



NUNAVUT AVIKTULIKYIT KATIMAYIT

**TALLIMAT UKIUNGANI PARNAIYAINIKHAINUT
UPALUNGAIYAUT**

2018 – 2022

ATILIURVIK MAKPIRAK

UNA PARNAIYAINIKHAINUT UPALUNGAIYAUT ANGIRIIQHIMAYAUYUQ HAFFUMANI
PILIMMAKHARNIQ UVUNGA 2018-2022 ININGANIT HAMANNGAT NUNAVUT AVIKTULIKYIT
KATIMAYIT UVANI 20 MI UBLUNGANI IIDJIRURVIA, 2018 MI.



Elizabeth Copland
Ikhivautalik



Phillip Omingmakyok Kadlun
Katimayini Katimayi



Guy Alikut
Katimayini Katimayi



Henry Ohokannoak
Katimayini Katimayi



Marjorie Kaviq Kaluraq
Katimayini Katimayi



Allen Maghagak
Katimayini Katimayi



Madeleine Qumuatuq
Katimayini Katimayi

IKHIVAUTALI'P HIVUMUURUT

Uvani 2017-18 ukiunga atuqtumi una Nunavut Aviktulikyit Katimayit (NIRB) pivalliahimayangit una titqqangit, una pinghuat titiraffaarmiyangit haffumani tallimat (5) ukiunga Parnaiyainikhainut Upalungaiyaut, taimaa atulirnaqhiniyaqtuq Qitiqautiyuq 1, 2018 mi pulahimalugulu ininganit haffumani Katimayit auladjuingit hamanngat 2018-2022. Hamna NIRB'iup Hivunikhaliurutikhait Parnautingit ikayuutiqaqhunilu iniqpiaqhimayumik tautungnaqtumik haffumani Katimayiunirmik maligautait hulidjuhiit havaangillu, aulattittivluniuk hivunikhautikhait timiuyunit, ilaliutigiyangillu hivumuarutauyut pivalliagianganit ilagiyangillu manngit kiuvikhait qaangiqaqhimalugu tallimanit (5) ukiunganut iluani.

Una angiqtattautigiikhimayuyuk tiliugainit qauyihaqhimayuyut haffumani turaarnaqtunit ilagiyayunillu akiliakhat pivalliahimayuyut ilagiyayukhat uvani Parnaiyainikhainut Upalungaiyaut, uuminngat tutqittiarnaqtumik tukiliutaanit humigli iniqhimalaaqtuq ukunanngat atqtaaahimayangit malikhimayangit haffumani manngit ilaliutauhimayut ukunanngat Angirutaa, huplu ilagiyauhimayuyuk piyumayuyuk pinahuaqhugu Katimayiita tikinnahuaqhugu anginiqhautaanit kiuviniit hivuagut piliriakhat ihuaqhiyauhimayumit.

Timiugami haffumani kavamaliqinikkut aulattittivluni ukunanngat Nunavut Angirutaa, hamna NIRB arlingnaqtumik timiugami ihumagiyaulluaqtauvaktut maligautainit malikhimayakhaat. Una Parnaiyainikhainut Upalungaiyaut turaaqhimayuyuk hamna hivituyumik hivunikhautikhaanit hamanngat NIRB haffuminngat tuglikhaanit tallimanit ukiunganit unalu ilagivlugulu pivallianikhainut ukunanngat qaangiqaqhimayangit piutigiyavut kitunuliqaak ukiunnguraangit unipkaangit.

Naaruhiriyavut ihuaqhaqhimmaarianganit uvani tikinnahuarlugit hivunikhaanit havaangit NIRB nit, hapumminahuarlugit ikayurahuarlugillu atuqhimayangit unalu hivunikanut inuuhirnaqtumik nunaqatigiiktunut nunaliillu haffumani Nunavut Nunataarviup Iluani, hapumminahuarlugillu nunat avatiqatigiiktut ukpiruhuutingit haffumani Nunavut Nunataarviup Iluani.

Titiraqtuq,



Elizabeth Copland
Ikhivautalik
Nunavut Aviktulikyit Katimayit

AULAPKAIYINI NAITTUQ

Una Nunavut Aviktulikyit Katimayit (NIRB) katimapkaihimagaluaqtut parnaiyainikhainut upalungaiyaqhimayut katimayut nunalingni Iqaluktuuttiaq uvani Imaruqtirvia 29 uvannat Imaruqtirvia 30, 2017 mi. Una parnaiyainikhainut upalungaiyaqhimayut katimayut (katimapkaqhimayut Stratos Inc.), atauttimut NIRB havaktit unalu katimayit, inikhaliuqpakhutik tamarmik ilagiiktunut niplautigiyukhat hivunikhanut haffumani NIRB timiuyut. Una ilagiyauyut pulaaffaarmiyangit NIRB hivunikhangit unalu illittuffaarmiyangit hamna Katimayita’p hivumuurutingit titiqqangit haffumani hivunikhangit haffumani timiuyunut, uuminngalu aulapkaihimayangit taidjutilik SWOT (S = Hakugingningit, W = Hakuirningit, O = Inikhautikhangit unalu T = Hivuuranarningit) Qauyiharningit nalunaiqtakhaat akihautingit taamna timiuyut ihumaliuqtukhayut hivumuuriangani. Kinguani tahapkuat ihivriuhimayut, una ilagiyangit atuqhimayangit kiuvikhangit nalunaitkutikhaq pivalliajutikhaq arvinilik hivunngani hivunikhautikhangit haffumani timiuyunut hivumuuriangani:

1. Una NIRB malikhimaniaqtangit ukunanngat kiuviniit unalu inuuhirningit haffumani *Nunavut Angirutaa* unalu tamainnut aturnaqtumik maligautinut.
2. Una NIRB aulapkaiyukhaq puqtuhimayumik nakuuyumik ihuiluutauhimayuq ihivriurningit.
3. Una NIRB huli munariniaqtangit hivituyumik timiuyunit hakugingnikhainut.
4. Una NIRB tautuktuuyaqtukhaq hivunikhaliurutikhait haffumani Inuit Qaujimajatuqangit/Qaujimaningit havaamingnut.
5. Una NIRB ikayuqhimayukhaq kitunuliqaak ayurnanngittumik ilauqatauyukhaq iluani Nunavut’ip maliguarutingit unalu NIRB’ip pivallianikhainut.
6. Una NIRB havaqatigiyakhaq munaqhinahuarlugit imarmiunit akihautaanit.

Una malikhimayangit upalungaiyaut ihivriuhimayangit tahapkuat hivunikhautingit unalu kiuviniit haffumani havaangit katimavlutik tukiqarnaqtumik.

MAKPIRAAT ILLULINGIT

ATILIURVIK MAKPIRAK	I
IKHIVAUTALI'P HIVUMUURUT	II
AULAPKAIYINI NAITTUQ	III
MAKPIRAAT ILLULINGIT	IV
1.0 NALUNAIYANIRNUT	1
2.0 NAUNNAIYAKGAIKHIMAYUK	1
2.1 UNA NIRB.....	1
2.2 MANNGIT	2
2.3 HIVUNNGANIT PARNAIYAINIKHAINUT UPALUNGAIYAUTINGIT.....	3
2.4 PILGUMIKHIMAYUNIK HULIDJUTAINIK.....	4
2.5 PARNAIYAINIKHAINUT UPALUNGAIYAUT HIVUNIKHANGIT	5
3.0 KAVAMALIQINIY KATIMAYIT	8
4.0 TIMIUYUNUT ILITQUHIITA	9
4.1 AULATTITTINIRNUT TIMIUYUNUT UNALU IKAYUUTIKHAT	9
4.2 AULAPKAIYIT	9
4.3 TUHAGAKHAT	10
4.4 MANILIQINIRNUT UNALU AULATTITTINIRNUT.....	10
4.5 QAUYIHARNIKHAINUT	10
4.6 NIRB PIVALLIANINGIT UNALU PARNAUTINGIT	13
5.0 TIMIUYUNUT HIVUNIKHALIURUTIKHANGIT	14
5.1 NIRB MALIGAUTAA.....	14
5.2 HAVAAGHAINUT UQAUHIIT	14
5.3 HIVUNIKHANGIT KIUDJUHIQ	15
5.4 UKPIRUHUUTAIT	15
6.0 QAUYIHARNIKHAINUT HAFFUMANI NIRB'IP HAKUGINGNINGIT, HAKUIRNINGIT, INIKHAUTIKHANGIT AYUQHAUTINGILLU	16
7.0 HIVUNIKHANGIT UNALU HIVUMUURUTINGIT	18
7.1 HIVUNIKHAUT 1	19
7.2 HIVUNIKHAUT 2	20
7.3 HIVUNIKHAUT 3	21
7.4 HIVUNIKHAUT 4	23
7.5 HIVUNIKHAUT 5	25
7.6 HIVUNIKHAUT 6	26
8.0 IHIVRIURNIKHAINIT	28
8.1 IHIVRIURNIKHAINIT PIVALLIANINGIT	28
9.0 TITIQQANGIT HAFFUMANI NUMIKHIMAYAYUT	28

1.0 Nalunaiyanirnut

Una Parnaiyainikhainut Upalungaiyaut nipiqaqhutik atuqhugit iluaniittut kiuviniit uvanngat 2-ublunganit katimavlutik ukunanngat NIRB Katimayit unalu NIRB havaktiita. Una hivunikhautikhangit haffumani havaangit pivalliadjutikhangit hivunikhautikhangit unalu hivumuurutingit haffumani NIRB Tallimanit-Ukiunganit Parnaiyainikhainut Upalungaiyaut haffumani 2018-22.

Una Parnaiyainikhainut Upalungaiyaut turaaqhimayauyuq hamna hivituyumik hivunikhautikhangit haffumani NIRB nit tugliriyakhaat tallimanit ukiunganit. Tahapkuat hivunikhangit malittiarnaqtut ukunanngat NIRB'ip maligautaanit maligautaat, uuminngalu hivunikhautikhangit unalu hivumuurutikhangit. Tahapkuat hivunikhautingit ikayuqtauhimayut ukuninngat hivunikhaliurutikhait, unalu havaariyakhat/upautiyakhallu. Avaliqanngittumik pilimmakhainikhainut upalungaiyaut, munariyakhangit, ikaarningit unalu inuuhimayut unalu maniliqinirnut avatikhangit nalunaiqhimayauyut. Ilanganit 8 haffumani upalungaiyautingit ilaliutauhimayut ukpiruhuutait haffumani ihivriyuqtakhainit humikliqaak tamainnut hivunikhautikhangit tikihimayauyut.

2.0 Naunnaiyakaikhimayuk

2.1 Una NIRB

Una Nunavut Aviktulikyit Katimayit (NIRB) havaanguyauyuq haffumani kitunuliqaak kavamat aulapkaikhimayauyut ukunanngat hakugingniqhautauyuq haffumani *Angirutaat Ukunanngat Inuit haffumani Nunavut Nunataarviup Iluani unalu Kuin Kanatami (Nunavut Angirutaat)* uvani Taaqhirvalirvia 9,1996. Una *Nunavut Angirutaat* aivaqatigiikhutik haffumani unalu kiuhimayangit malikhugit hivunikhautingit:

- ikariangani nalaumattiaqtumik tutqinnaqtumiglu haffumani piyunnautingit nanminiriyakhaat aturiangani nunat avatikhangillu, unalu piyunnautingit Inuinnainut ilauqataugiami ihumaliurvikhangit haffumani ihumaaluutigiyakhat atuqtakhaat, munariyakhaat hapummiyukhanut nuna, imaq unalu avataita, ilaliutigiyangit hinaaniunngittumi;
- ikayuqtakhaat Inuit ukuninngat niryuutitut angunahuarnikkut piyunnautingit unalu piyunnautingit ilauqataugiami iluani ihumaliurvikhangit ihumaaluutigiyangit niryuutitut angunahuarnikkut;
- ikayurahuarlugit Inuit maniliqinirnikkut ikayuutikhangit unalu tukiqaqhunilu ilauqataugiami inikhautikhainit uvani maniliurahuarnikkut angmaumaningit; unalu,
- ikayuttiarahuarlugit nanminiqqautikhainit unalu pitquhirnikkut unalu inuuttiarnikhainut Inuinnainut.

Ukuninngat una *Nunavut Angirutaat*, una NIRB'ip inikhangit ihivriyuqtakhainit haffumani ihuuluutaulluaqhimayuuq haffumani tukhiutauhimayuuq pivallianikhainut iluani Nunavut Nunataarviup Iluani angiruiqtautinnagu hunanikliqaak kiuhimayauyuq havaanut auladjutauningit. Una NIRB nakuutqiyahiuqtut havaaq tukhiutigiyauyut ihumaliuqtakhainit humikliqaak hivituyumik ihuuluutauningit

uuminngaluuniit ihumaaluutaunnaqtuq kitunuliqaak. Una NIRB atuqpagaat tamarmik ilitquhiriyangit qauyimayatuqangit unalu ilitarihimagangit qauyimanangit ukpiruhuutingit uuktuutigilugillu ihivriurlugittauq hamna ilitquhiita qauyihainikkut unalu inungnut-ikayuutikhainit ihuuluutauhimayut haffumani tukhiutauhimayut unalu tukhiutigiyakhaat uvunga Kavamanut hunaliqaak havaat aulapkaiyukhauyuq unalu maligiaqaqhutik maliktakhainit tukiliutingillu. Una Katimayit munarivakhugit hamna ihuuluutauhimayut havaanut taimaa nakuutqiyahiuhimayut uuminngaluuniit qimilruqtauhimagit angiqtauhimavlunilu aulapkaigiami.

Turaaqhimagiami hulidjuhingit, una NIRB aulapkaihimayangit pinahuaqhutik inikhamut hapummivlutik unalu ikayurahuqhutik atuqhimayuyut unalu hivunikhaanit inuuttiarnaqtumik nunaqatigiiktunut Nunavunmi unalu hapummiyakhaat nunat avatikhainit ukpiruhuutait haffumani Nunavut Nunataarviup Iluani. Una *Nunavut Angirutaa* iliharnaqhunilu hamna NIRB ihumaliugainit inuuttiarnaqtumik nunaqatigiiktunut haffumani Kanatami hilataani Nunavut Nunataarviup Iluani.

2.2 Manngit

Maliktangit uvunga *Nunavut Angirutaa*¹, una akikhaat haffumani NIRB munaqhivagaat Kavamat, unalu NIRB upalungaiqhimayukhat hamna ukiunganit maniliqinirnut haffumani qimilruqtakhaat angiqtaugiaqaqhunilu Kavamanit. Tamaat ukiungani NIRB tunihivaktut HIVUNIKHAUT manikhaq unalu havaaq upalungaiyaut haffumani Nakuutqiyahiurnikhanut-ilagiyangit havaangit unalu ahikkut havaangit-ihumagiyangit NAALAGVIKHAT manik havaangillu upalungaiyautit Qimilrurnikhainut unalu Munariyakhaat ilagiyangit havaanut. Una ukiunganit HIVUNIKHAUT manikhaq unalu havaaq upalungaiyaut nanminiqutauyuq atuqhugit atauttimut haffumani aippaagukhamut tamaat maniktaariyuyut ihuaqhimayuyuq ikayuutikhat manngit ilaliutauhimayuyuk unanngat Kavamatkut-Nunaqaqqaqhimayunut Ilaita unalu Ukiuqtaqtumi Kanatami NIRB nut.

HIVUNIKHAUT ilagiyangit havaaq ilaliutauhimayuyuk akikhangit haffumani malikhimagangit:

- Katimayit maniktakhaitit havaanut ilagiyuyut unanngat Nakuutqiyahiurnikkut unalu Katimaqataugaangat Katimayunut;
- Havaanut akikhangit unalu ikayuutikhait haffumani 17 nit havaktunut;
- Havagvik akikhangit unalu hanayayunullu akikhangit;
- Ayuinningit akikhangit haffumani maligatigut katimayiralaat unalu ikayuqtingit;
- Tingmidjutikhat Katimayit unalu havaktit Katimanahualiraangat unalu maliguarutigut katimayunut; unalu,
- Iniqhimaittut ayuinningit pivallianikhainut unalu ilihautikhangit.

¹ *Nunavut Angirutaa* Nakataq 12, Ilangani 12.2.31

NAALAGVIKHAT ilagiyauyut havaaq ilagiyaat akikhat haffumani malikhugit:

- Katimayit manikhangit katimadjutingit havaanut ilagiyaat Qimilruqtakhat unalu Munaqhiyangit titiqqanut, ilaliutigiyangit havaanut-ilitturningit Katimayit unalu naalagvikhat;
- Havaktunut akikhangit ikayuutikhangillu haffumani 8 nit qauyiharnikhainut havaktit;
- Ayuinningit akikhangit haffumani maligatigut katimayiralaat unalu ikayuqtunut haffumani havaangit-ihumagiyangit havaaq;
- Tingmidjutikhat Katimayit unalu havaktit uvunga havaariyangit-ihumagiyangit katimayut unalu naalagvikhat; unalu,
- Ilitturvikhangit haffumani havaangit-ihumagiyangit nunalingni ikayuqtauhimayut, katimayut, ilihaqhutik katimayut unalu naalagvikhat.

Una NIRB'ip maniktakhat unalu havaaq upalungaiyautit takugakhauyuq uvunga Katimayit qimilruqtakhat unalu angiqtakhangillu uvani katimagaangat uvani Ubluqtuhinia/lidjiruvia haffumani tamainnut ukiungani. Una HIVUNIKHAUT unalu NAALAGVIKHAT maniktakhat amihuuyut ingilrutaunngittunit avguinnaliraangat manik; taimaa tiguaqhimayauyut upalungaiyaut haffumani akiliakhat maniliugangillu ilitquhiita malikhugit piliriakhat, havaaq unalu maligautingit haffumani NIRB nut. Hamna Katimayit angiqhimagumiuk hamna manit unalu ihumattiaqhimalgillu havaangit upalungaiyaut, taimaa ilitariyauhimayut upalungaiyaut aulavikhangit haffumani Katimayit ukiunganit atuqtumi ihumagiyangit, ilitarivlugillu piyunnautingit haffumani Katimayit avguiyaami manngit iluani angiriqhimagiyumi manikhat maligiaqaqhuni aallannguqtiaqhimayuq qanurilinganingit.

2.3 Hivunnganit Parnaiyainikhainut Upalungaiyautingit

Una NIRB inuuraaqhimayuq 22 ukiungani avatquttumi. Uvani hivunngani ukiunganit, amihut timiuyunit akhuurningit aulapkaihimayut nautkaqhimayut hivunngani timiuyunut igluqpaqarvikhaliurutikhat piyumayangit aulapkaigiami unalu ihumagilugillu qanuq tamatkiumanahuariangani hivulliqaangit hulidjuhiit haffumani NIRB'ip hivunikhautikhangit.

Uvani 2007-08 iningani, NIRB pivalliahimayuq hivulliqaangit tallimanit-ukiungani parnaiyainikhainut upalungaiyaut haffumani 2008 uvunga 2012, hivumuurutiaqhutik inikhautikhangit haffumani kavamaliqiniq, maligat, atuagaq pivallianikhainut unalu inungnut ikayuutikhat. Una aulapkaqhimayuq kinguani haffumani hivunngani Parnaiyainikhainut Upalungaiyaut ilittupkaiyukhat Kavamanut hamna NIRB kiugiaqaqtut ilakhaat maningnut avatikhait tamatkirahuaqhugit maliktakhat malikhugit *Nunavut Angirutaa* unalu aturaaqtakhainit iluani atullakhimayangit aturaaqtakhainit. Uvani 2008-12 iningit, Katimayit ayurnaittumik atuinnaqpaagaat tallimanit-ukiunganit manngit angirutaat haffumani HIVUNIKHAUT aulapkaihimayangit, uuminngalu ayurnanngittumik manngit angiklikhimayuq angmaumanahuaqhugu NIRB nutaannguqtiriangani iluani aulattittiyangit unalu katimayit kavamaliqinirnut atuagat katilviunahuaqhugit puqtuhimayangit akikhangit hivuani igluqpaqarvikhaliurutikhat piyumayainnit.

Uvani 2012-13 iningani, una NIRB pivalliahimayut tugliriyangit tallimanit-ukiunganit parnaiyainikhainut upalungaiyaut haffumani 2013-17, hivumuurutigivluniuk amihut aadjigiiktumik inikhat kinguani parnaiyainikhainut upalungaiyaut, angikliktiqhugit piyumayainnit akiliaqhugit takunnaqhuni haffumani Inuit Qaujimagatuqangit ukunanggat Katimayiita'p auladjutaanit. Uvani aivaqattautigivlugit haffumani Nunavut Pilimmakhainirnut Ilagiiktunut haffumani nutaannguqtiqhimagangit haffumani Pilimmakhainirnut Havaariyauyukhaq haffumani *Nunavut Angirutaa*, una Nunavut Timigutingit haffumani Kitunuliqaak Kavamangit ilauqatauvlutik ilaliutauvluni turaarvikhangit tiliyauhimagunit havaariyangit manngit kiugiaqaqtut tamatkiumayauyuq malikhimayakhaat munariyaat qaangiutilugulu 2013-22 iningit. Una NIRB inidjarikhimavlutik ilaliutauhimagut nalunaitkutaq, atuqhugit nutaamik pivalliahimagumik 5 nit ukiunganit parnaiyainikhainut upalungaiyaut ilagihimagangit manngit ayurnaittumik ikayurahuaqhugit kangiqhidjutaanit manngit kiuyauhimagunit haffumani 10 nit ukiungani ininganit. Una NIRB'ip parnaiyainikhainut upalungaiyautingit havagluarningit illittuqhimagut uvani Katimayit hakugikhipkaqhugit hamna 55% nit angiklikhimayuq haffumani HIVUNIKHAUT manngit haffumani 2013-22 iningit. Una manngit angiklikhimayuq ikayuqhugit NIRB ihuaqhivlugit qaffiuningit hivituyuraalungmik ayuqhautingit, ilaliutauhimagut angmaumanahuaqhugit piyumalluaqtangit angikliktiqhimagut havaktunut, ilihautikhainut, havagvik hanayuyut unalu havaktunut iglukhait.

Una NIRB huli angiklikhimayuq
maligautaata malikhugit, taimaa
ihivriuaqattaqhugit pivallianingit
hamanngat nautkaqhimagayuq
uuktuutingit.

2.4 Pilgumikhimagunik Hulidjutainik

Qaangiqhimaguy 5 nit ukiunganit, una NIRB ayurnanngittumik iniqpiaqpagaat hivunikhautikhainit inikhautikhangillu ilagiyuyut ukunanggat Parnaiyainikhainut Upalungaiyaut haffumani 2013-17 ininganit. Takunnaqpiaqtut inikhautikhangit munariyauvakhutik iniqpiaqhimagangillu ilaliutauyuq:

- Upalungairiiqhimaguy ukunanggat pilimmakhainirnut haffumani *Nunavut Ihumaliuqniq unalu Havauhikhamut Naunaiyaininnga Maligaa*
- Pivallialugit nutaamik qaliriiqhimagut haffumani kitunuliqaak maliktakhat unalu qauyiharnikhainut maliktakhat
- Ilaliutigiyangit Tuharakhat Kangiqhidjutingit ukunani kigliqaqhimaguyut ilagiiktunut
- Hukahimagut 55% angikliktiqhimagut uvunga HIVUNIKHAUT manngit

Nunavut Aviktulikiyit Katimayit 2018 – 2022 Parnaiyainikhainut Upalungaiyaut

- Iniqhimayangit igluliuqhimayangit NIRB havagviata Iqaluktuuttiarmi unalu havakhugillu Arviat unгахiktumut havaktunut havagvikhaq
- Hukahimayangit malruk havaktit iglukhaat ilagiyangit unalu iniqhimavlugit hanayauhimayut
- Nutaanguqtiqhimayangit timiuyunut naunaitkutaq, nautkaqhimayangillu nutaamik havaktunut havaariyakhat
- Pivalliahimayut nutaamik qaritayakkut qunniyaqtakhat, qaritayakkut atiliurvik unalu iluaniittumi parnairiiqhimayut munaqhainiq
- Nutaanguqtiqhimayut nakuutqiyahiurniq turaaqhimayuyut angirutaat



2.5 Parnaiyainikhainut Upalungaiyaut Hivunikhangit

Una NIRB ukpiriyangit taamna kiugiakhat ayurnaitpiaqtumik, parnaiyainikhainut-hivumuurutikhanut timiuyunut hakugikpiaqtumik katilviuhimayut ukunangat timinganit parnaiyainikhainut upalungaiyaut, ukiunganit maniktakhat unalu havaaq upalungaiyaut, unalu timinganit hivituyuraalungmik maniliqinirnut upalungaiyaut. Ihumagiyukhaq hamna katilviuhimayut uvannat NIRB'ip maniliqinirnut ihumaliugait uvunga hivunikhaanut unaluparnaiyainikhainut aulavikhaq haffumani Katimayit unalu katilviuhimayut ukiungani maniliqinirnut piliriakhaq uvunga amihunit-ukiunganit piliriakhat unalu hivituyumik maniliqinirnut upalungaiyautaanit. Ihumagilluaqtakhat hamna NIRB kangiqhigiaaqtuq hamna havaktuliyit, ikaarningit unalu ikayuutikhat haffumani hilataanit ilagiyayut piyumayayut haffumani parnaiyainikhainut ihuaqhittiaqtukhaq.

Una munariyakhaat haffumani manngit uvunga NIRB amiakkuuvluni ukunangat Kanata Kavamangit ukunangat pilimmakhainirnut haffumani *Nunavut Angirutaat*. Una Kavamat ilaliutauhimayut hamna NIRB ukunangat atauttimut manikhaq qaffiuningit haffumani HIVUNIKHAUT aulattittiyangit ukiunnguraangat, unalu NIRB kiugiaaqhulik turaaqtakhaat manikhangit unalu havaaq upalungaiyaut havakhimayut iluani atauttimut qaffiuningit. Una havaaq upalungaiyaut unalu ilaliutihimayangit

Nunavut Aviktulikyit Katimayit 2018 – 2022 Parnaiyainikhainut Upalungaiyaut

manikhaq haffumani pilimmakhainikhainut haffumani Parnaiyainikhainut Upalungaiyaut qaangiutiyangit atauttimut ukiunganit maniktakhaq iniriqhimayuuq NIRB nut, kihiani hamna Katimayit ukpiqtangit piyumayangit haffumani Kavamangit qauyimagiaqaqtut haffumani timinganit ilumuutqumik manngit piyumayuyut uuminngalu nalaumaqpiaqtangit taimaa tikihimalaaqtut ukunanngat angiklikhimayuyut manngit ikayuutikhat. Una Parnaiyainikhainut Upalungaiyaut ilautquiniaqtangit NIRB tuniyukhaq hamna PARNAIYAINIKHAINUT manikhangit unalu havaaq upalungaiyaut ukiunnguraangat, unalu Katimayit huli tuniqattarniaqtut kiugiaqaqtut ukiunnguraangat manikhaq unalu havaaq upalungaiyaut haffumani HIVUNIKHAUT aulattittiyangit takunnaqhuni atauttimut manngit angmaumayukhaq haffumani NIRB nut uvanngat Kavamanit. Una HIVUNIKHAUT manikhaq unalu havaaq upalungaiyaut taimaa avagiiqhimayukhaq haffumani PARNAIYAINIKHAINUT manikhaq unalu havaaq upalungaiyaut hamna manngit uaktuutingit angiklikhimagumik aadjigiitukhat hamna NIRB'ip parnaiyainikhainut auladjutingit.

Una NIRB'ip ukiunganit havaaq upalungaiyaut iliktiqhimayukhaq ukunanngat Parnaiyainikhainut Upalungaiyaut, unalu havaangit upalungaiyaut haffumani NIRB'ip inmikkut havagviat unalu havaktit ikayuqhimaniaqtangit hivunikhautikhangit haffumani ukiunganit timiuyunut havaaq upalungaiyaut. Havaktit ihivriutqangit unalu timinganit ilihautikhat unalu pivallianikhainut hivulliutigiyangit taimaa aktuumaniaqtut haffumani havaaq upalungaiyaut taimaalu. Una Katimayita'p atuagakhat, akiliakhat kiglitrukhat unalu nalunaitkutaq qauyiharniq upalungaiqhimayuuq tamarmik aktuumaniaqtuuq ukunanngat NIRB'ip ukiunganit manikhaq unalu havaaq upalungaiyaut haffumani HIVUNIKHAUT aulattittiningit.

Una NIRB ukpiqtangit hamna ihumagiyayukhaq pigiaqaqtut parnaiyainikhainut upalungaiyaut turaaqhimayuyuuq haffumani kigliita unalu ilitturnikhat nalunaitkutut haffumani Katimayiita'p nanminiriyangit iluaniittuuq atuqtakhat haffumanilu tunngavigiyangit ilauqatauhimayut haffuminngat Nunavunmiut, Inuit timingat, Kavamat unalu maniliurahaqtut tahapkuat NIRB ilagiiqatigiikpaktut. Una NIRB qimilruqattaqpagaat pivallianingit katimavlugit tiliugainit parnaiyainikhainut upalungaiyaut hivunikhangit unalu unipkaaqhugit tikihimayangit unalu atuliqpagaat ukunanngat kitunuliqaak ukiunganit unipkaarutingit.


Nalunaitkutaq 1 ilitturnaqhuni katilviuhimayangit ukunanngat NIRB'ip Parnaiyainikhainut Upalungaiyaut unalu aahiit upalungaiqhimayuyut titiqqangit ilitturnaqhuni Katimayiita'p aulattittiningit.

Una 10 nit Ukiunganit Pilimmakhainirnut Upalungaiyaut pivalliahimayuyuq ukunanngat NIRB nit ikayuqhimagiangani Nunavut Pilimmakhainirnut Katimayiralaat ihumaliuqhugit nalaumattiaqtumik uuktuutigiyangit haffumani manngit ukunanngat NIRB nut haffumani 2013-2023 iningit, hivunigiyakhaat haffumani aulapkaihimayangit nutaamik 10 nit Ukiunganit NLCA Pilimmakhainirnut Havaariyayukhanut. Una Parnaiyainikhainut Upalungaiyaut, turaaqhimayuyuq haffumani NIRB'ip hivumuurutingit, hivunikhangit unalu hivunigiyakhaat haffumani tallimanit ukiunganit inikhaat atuqtauhimayut kiglikhangit haffumani havaariyayukhanut iluani 10 nit Ukiunganit Pilimmakhainirnut Upalungaiyaut.

HIVUMUT TAUTUKTAVUT

Una ukiungani PARNAIYAINIKHAINUT Manikhaq unalu Havaaq Upalungaiyaut turaaqhimayuyuq hulidjuhingit unalu ilagiyayut akikhangit tatamayumik pilimmakhainirnut tamainnut inikhautikhangit iluani Parnaiyainikhainut Upalungaiyaut. Uvanngat kinguvariaqtaugumi NIRB tuniyauhimayuuq ihuaqtumik manngit tatamayumik pilimmakhainirnut haffumani PARNAIYAINIKHAINUT Manikhaq unalu Havaaq Upalungaiyaut, ukiungani Piittuq-Akikhangit Manikhaq unalu Havaaq Upalungaiyaut pivalliyukhauyuq hamanngat avvautingit hivulliriyayut PARNAIYAINIKHAINUT hulidjuhiit inikhangillu (haffumani HIVUNIKHAUT hulidjutihit).

AKUNIRAALUK UPALUNGAIYAUTIT



HAVAAKHAT

Una NIRB aulapkaihimayangit kitunuliqaak Ukiunganit Unipkaangit tukiqaqtut hamna pilimmakhainirnut haffumani ukiunganit Piittuq-Akikhangit Manikhaq unalu Havaaq Upalungaiyaut, ihuaqhiyayuuq maniliqinirnut titiqqangit. Una Ukiunganit Titiqqangit tukiqaqhunilu piliriakhauyuq pilimmakhainirnut una 5 Ukiunganit Parnaiyainikhainut Upalungaiyaut. Una piliriakhaq haffumani nautkaqhimayuyut hamna Ukiunganit Titiqqangit ilaliutauhimayuuq munaqhiivlugit ihivriurnikhainut haffumani atuliqtaunianut haffumani Parnaiyainikhainut Upalungaiyaut, ilaliutigiyangit nalunaikutaanit haffumani quyaginnaq nutaannguqtqihimayuuq unalu nuktiqhimayuyut piyumayugumik.

HIVRIURNINGIT/NALUNAI


Una havaaq upalungaiqhimayangit haffumani NIRB'ip havagviat unalu inmikkut havaktiit pivalliahimayut hamanngat ukiunganit Piittuq-Akikhangit Manikhaq unalu Havaaq Upalungaiyaut. Havaktit ihivriurqhimaningit, ayuinningit pivallianikhainut upalungaiyaut unalu timinganit iliharutikhait hivulliriyangit tamainnut aktuqhimayuyut havaangit upalungaiyaut taimaa. Una Katimayiita'p igluqpaqarvikhaliurutikhangit akiliakhat, nalunaikutaq qauyimaningit upalungaiyautingit unalu atuagaq nutaannguqtqihimaningit taimaa aktuqhimayuyut taimaa aktuqhimayuvlutik ukunanngat Piittuq-Akikhangit Manikhaq unalu Havaaq Upalungaiyaut.

3.0 Kavamaliqiniq Katimayit

Una NIRB’ip kavamaliqiniq unalu atuagaq aulapkainingit ilaliutauhimayuq ukunanngat Katimayit. Una Katimayit ilaqaqhutik naahimayunik arvinilik hitamat (9) katimayit, atauhiq kivgaqtiuvluni Ikhivautalik. Katimayit tiliyauhimayut haffumani pingahut-ukiunganit hivitunia ukunanngat malikhugu ukpiruhtutunga, turaaqhimayuyuq uvani *Nunavut Angirutaa* Nakataq 12:

- **Hitamat katimayit** tiliyauhimayut ukunanngat kavamaryuangit Minista Inuliyiyit Ukiuqtaqtumi, taimaa niruaqhimayuyut hamanngat Tikkuuqtauhimayut Inuit Timingat (DIO)
 - Una Tikkuuqtauhimayut Inuit Timingat DIO talvuyut Nunavut Tunngavik Timingat (NTI), taimaa ikayuutigivagaat atauhiq niruaqhimayuyuq qilamik ilauhimayangillu tamainnit malikhugit ikayuqhugillu atauhiq niruaqtauhimayuq tamainnut: Kitikmeot Inuit Katudjiqatigiit, Kivalliq Inuit Katudjiqatigiit unalu Qikiqtani Inuit Katudjiqatigiit.
- **Malruk katimayit** tiliyauhimayuq atauhiq amihuuyut Ministat haffumani Kanata Kavamangit.
- **Malruk katimayit** tiliyauhimayuq atauhiq amihuuyut Minista haffumani Nunallaani Kavamangit; atauhiq tiliyauhimayuq ukunanngat Minista munariyangit Uumayuliriyitkut.
- **Una Ikhivautalik** tiliyauhimayuq ukunanngat kavamaryuangit Minista Inuliyiyit Ukiuqtaqtumi ikayuqtauhimavlutik ukunanngat Nunallaani Kavamangit, hamanngat niruaqtauhimavlutik angiriqhimagayuyut uvanngat ilaliutauhimayuq Katimayit inmikkut.
 - Iluani niruaqtauhimaningit tiliyauhimayurlu haffumani Ikhivautalik, ihumagiyaulluaraningit taimaa tunihimayakhaat inungnut nunaqaqtunut uvani Nunavut Nunataarviup Iluani.

Nalunaitkutaq 2 ilittuuvluni timiuyunut ilitquhiita haffumani Katimayit, nautkaqhimayuyut uvani *Nunavut Angirutaa*:



Kavamaliqiniq uvanngat NIRB mi ilaliutigiyangit ilitquhiita, munariyangillu unalu piliriakhat hamanngat Katimayit atuqhutik turaaqhugit munaqhivlugillu unalu pivallianikhainut hamna timiuyunut tamatkiumayangit auladjutingit. Tahapkuat ilitquhiit, munariyangillu unalu pivallianikhainut, utiqtihimayangit, ihumaliuqhutik qanuq aulattitiningit piqaiyaqtauvaktut, qanuq ihumaliuqtauhimayut, qanuq ihumaliuqtut avguinginnaqhimayut. Una NIRB inikhaliuqhimayut nautkaqhimayangit kavamaliqinirnut atuagait humiliqaak ilaliutauhimayut “Katimayit kavamaliqinirnut atuagait”, “Hivulliqpaam Aulapkaiki munarivagaat atuagait” unalu “Katimayit/Hivulliqpaam Aulapkaiki ilagiyangit atuagait”. Una Katimayit unalu havaktit munariyaullaqtut ukunanngat “auladjutauhimaningit unalu aulattittinirnut atuagait”.

Una Katimayit turaaqhimayangit munariyakhaat ayurnaittumik tamainnut ilauhimayunut. Taimaa ihumaliuqpagaat, Katimayit munariyauyut ilaliuqhimaittut unalu pivallianikhanut. Qangannguqtumi, una Katimayiita'p hivuungani ihumaliugait ilaliutauvaktut aturnaqtumik kiglikhaanit naunairiangani qanuq Katimayit tautukhimaniaqtangit aallatqiinguyut haffumani tukhiutigiyangit. Kihiani, hamna Katimayit tamainnut pidjarikhiyukhaq aadjikkutaanit havaanut tukhiutigiyangit ihumaliuqhimagiyangit taimaa aturaaqpagaat ilitquhiita, taimaa maligautaanit, una Katimayit ihivriuqhimagiyukhat tamainnit tukhiutigiyangit inmikkut ilitquhianut taimaa ihumagivluniuk inmikkut avatingit.

4.0 Timiuyunut Ilitquhiita

4.1 Aulattittinirnut Timiuyunut unalu Ikayuutikhat

Iltarihimayangit hamna Katimayit inmikkut atulirnaqtut haffumani aulattittinirnut haffumani timinganit, una NIRB taimaa ikayuqhimagiyangit hivunikhaliutaanit haffumani tiliyaunirnut uvunga Hivulliqpaam Aulapkaiyi taimaa Katimayit ayurnaittumik aulattittiyaami huliyakhainit. Una NIRB'ip Hivulliqpaam Aulapkaiyi unalu ikayuutikhangit havaktut aulapkaihimayut uvani pingahut havagviata: **Aulapkaiyit, Tuhagakhat, Maniliqinirnut unalu Aulattittinirnut, unalu Qauyiharnikhainut.**

4.2 Aulapkaiyit

Una Aulapkaiyit havagvik ilaliutauhimayuq haffumani Hivulliqpaam Aulapkaiyi unalu Atuagaq Kiuliqiyi. Una Aulapkainirnut havagvik munariyangit haffumani pilimmakhainirnut hamna timinganit hivunikhautikhangit unalu havaariyakhat naunaiqtauhimayut ukunangat Katimayit ilaliutauhimayullu turaaqttinirnut, munariyangit unalu kiuviikhangit Katimayunut ukunangat avatiliqinirnut ihuuluutaunirnut akihautaanit unalu maligautigut akihautaanit ihuuluutauhimayut avataita akihautaat uvannat ilitquhiita avataita ningiqtaarutaa iluani Nunavut Nunataarviup Iluani.

Una Aulapkaiyit havagvia unipkaarivagaat turaaqhimayangit uvunga Katimayit ukunangat Hivulliqpaam Aulapkaiyi unalu munarivagaat haffumani upalungaiqhimagiyangit, aulapkaqhimagiyangit, unalu munaqhivagaat tamainnut aulattittinirnut haffumani timinganit. Una Hivulliqpaa Aulapkaiyi kivgaqtiuvaktut Katimayit unalu kivgaqhiivagaat ikayuqhimagiyavlugit haffumani kavamaryuungani, nunallaangani unalu qanilruani ilauhimayunut, Tikkuuqhimagiyauyut Inuit Timinganit, Timinganit haffumani Kitunuliqaak Kavamangit unalu nanminiriyangit tunngavingat kuapuriisanillu ukunangat avatingnut ihuuluutauhimayut ilagiyauyut qanurilinganingit aktuqhimagiyangit Nunavut Nunataarviup Iluani. Una Atuagaq Kiuliqiyi pivakhutik hivulliqtiuvlutik NIRB aulapkaiyi haffumani Nunavunmi Tariunganut Piyut Katimayiingit qanurilinganingit unalu ikayuliqpakhutik aturaaqtakhainit ihuaqutikhait haffumani NIRB atuagait, uuktuutgiyangit unalu pivallianingit. Una Atuagaq Kiuliqiyi hivulliqtiuvluni hamna parnaiyainikhainut avatiliqinirnut ihivriurningit iluani Qikiqtaaluk unalu Davis Ikirahak haffumani 2017-2019 ikaarnikhaq.

4.3 Tuhagakhat

Una Tuhagakhat havagvia ilaliutauhimayuq Atannguyaq, Tuhagakhat, unalu Ahinut Tuhagakhaiyi Ikayuqti, unalu Avatiliqinirnut Qauyihaqti, unalu Uqaqtittiyit/Numiktittiyit inikhangit. Una Tuhagakhat havagvik munaqhivagaat aulapkaivagaat havaangit haffumani NIRB'ip kitunuliqaak ilauvaktut piliriakhat.

Una Tuhagakhat Havagviat ilaliutauhimayangit iluani-havagvingmi Qablunaatut-Inuktitut numikhimayut haffumani titiqqaitigut unalu numikhimayuyut ikayuutikhait haffumanit tamarmik iluaniittut unalu kitunuliqaak katimayut hulidjuhiingillu ukunangat Uqaqtuyut/Numiktittiyut inikhait. Una tuhagakhat havagvik aulapkaivakhutik hilataanit numiktikhanut uqaqtikhainut uvunga hilataanit ikayuutikhainit ikayuqpakhutik ukpiqpiagtangit haffumani NIRB tuhagakhat.

4.4 Maniliqinirnut unalu Aulattittinirnut

Una Maniliqinirnut unalu Aulattittinirnut havagvik munaqhivagaat tamainnut ihuaqtumik ubluq-tamaat aulattittinirnut haffumani Katimayiita'p maniliqinirnut, havaktuliyiyit unalu aulattittinirnut ilaliutauhimayut maniliqinirnut unipkaariyayuyut unalu munaqhiyangit, havaktut titiqqaitigut, unalu havangillaktut havaktunullu titiqqangit, unalu munaqhiyangit aulattittinirnut havaktunut atuagat, uukturautait unalu maliktakhangillu. Aahiit munaqtiuningit ilaliutauhimayut maniliqinirnut unalu ingattaqhittailinikhainut Munaqtiunirnut.

Una Maniliqinirnut unalu Aulattittinirnut havagvik unipkaaahimayangit uvunga Hivulliqpaam Aulapkaiyi ukunangat Tukimuaqtittiyi Maniliqinirnut unalu Aulattittinirnut, ukunangat aulattittinirnut ikayuutikhait hamangat Angayukhiq Maniliqinirnut Piliriyi, Havaktuliyiyi Piliriyi, unalu Titiraqti.

4.5 Qauyiharnikhainut

Una Qauyiharnikhainut havagvia hivulliriyangit Katimayiita'p ihuluutauhimaningit ihivriurnikhainut pivallianingit haffumani nakuutqiyahiurnikhainut unalu qimilruqtakhainut tamainnut havaanut tukhiutauhimayuq NIRB nut malikhugu hamna Nakataq 12 haffumani *Nunavut Angirutaa* unalu Ilanganit 3 haffumani *Nunavut Ihumaliuqniq unalu Havauhikhamut Naunaiyainnnga Maligaaq*. Una hivuliqtihimayuq tamainnut inikhautikhangit unalu malikhugit ilagiyayuyut ukunangat nakuutqiyahiurnikhainut, qinmilrurningit unalu munaqtiuyut piliriakhat. Una havagvik munaqhivagaat tamainnut munaqhiivakhugit titiqqangit unalu tunihiyakhat havaanut tukhiutaanit, upautinahuarlugillu hivulliqpaangit tuhagakhat iluani havaaq tukhiutauhimayuq pivallianingit ilaliutauhimayuq nalunaiktukaq turaaqtittiyangillu qauyiharningit munaqhiyangillu ikaarningit haffumani nalunaitkutaq ilaliutauhimayuq uvunga ihuluutauhimaningit ihivriurnikhainut. Aallat munaqhiyangit ilaliutauhimayuq tuhagakhat unalu munariyakhaat hamna Katimayiita'p Kitunuliqaak Atilurvikhat.

Nunavut Aviktulikyit Katimayit 2018 – 2022 Parnaiyainikhainut Upalungaiyaut


Una Qauyiharningit Ikayuutikhat havagvia tuhaqtittivagaat uvunga Hivulliqapaam Aulapkaiyi ukunangat Tukimuaqtittiyi Qauyiharnikhainut, uuminngat qauyiharnikhaq unalu aulattittinirnut ikayuutingit hamannngat malikhugit havaktit inikhautingit:

- Atanguyak, Avatilikinikun Titikikiyi (1)
- Avatiliriyini Aulattiyi (2)
- GIS Ihivriuqhiyi (1)
- Kamagiya, Havariyauyunik Munaqhinirmi (1)
- Kamagiya, Aktumayunik Qauyihaiyini (1)
- Qauyihainirnut Kiuliqiyi I, II (5)
- Nukakhiq Nalunaqtunik Ayauriyi (2)

Una havaanut akikhangit ikayuutikhangillu haffumani Qauyiharnikhainut Kiuliqiyi inikhaat akiqaqhutik ukunangat Katimayiita’p NAALAGVIKHANUT manngit, ilitarivlugillu hivulliqpaangit havaaq munaqhiyangit katilviuhimayut aulapkainikhainut unalu munaqtunikhainut haffumani Katimayiita’p tatamayumik avatiliqinirnut Qimilruqtangit aturaaqhimayangillu Munaqhiiyangit piliriakhat. Ilaani kiuvikhaqalaaqtut ilagiyamingnit Qauyiharnikhainut Kiuliqiyi havaangit amiakkungit haffumani qaffiuningit turaaqhimayuyut qulaanit, ikayuutauyangit ukunangat puqtuhimayumik naammagiyauyunut Qimilurningit unalu Munaqhiiyangit havaanut havaariyakhat.

Nunavut Aviktuliyit Katimayit 2018 – 2022 Parnaiyainikhainut Upalungaiyaut

Nalunaitkutaq 3 ilitturnaqtut hamna atuqhimayangit timiuyunut ilitquhiita haffumani NIRB havaktit:



4.6 NIRB Pivallianingit unalu Parnautingit

Nalunaitkutaq 4 ikayuqhimayut haffumani tamatkiumayangit haffumani Nunavut’ip maliguarutingit nautkaqhimayauyuq ukunanngat Nunavut Angirutaa, ilittuqhiivlutik hamna katilviunirnut ukunanngat NIRB, aahiillu Timiuyunut haffumani Kitunuliqaak Kavamangit, Tikkuqaqtauhimayut Inuit Timiuyunut unalu Kavamaryuangit unalu Nunallaangit Kavamangit:



5.0 Timiuyunut Hivunikhaliurutikhangit

5.1 NIRB Maligautaa

Una Nunavut Aviktulikiyit Katimayit timiuyuq haffumani kitunuliqaak kavamangit nautkaqhimayayuq haffumani *Nunavut Angirutaa* ihivriuqhiyakhaat haffumani ihuiluutauhimayuq haffumani tukhiutauhimayuq pivallianikhainut iluani Nunavut Nunataarviup Iluani hivunngani angiriqhimayayut haffumani kiuhimayayuq havaanut aulattittinirnut. Atuqhugit tamarmik pitquhituqangit qauyimaningit unalu ilitaridjutauhimayut qauyiharningit ukpiruhuutait, NIRB ihivriuqhimaniaqtangit qauyiharningit ukpiruhuutingit unalu inungnut-ikayuutikhait ihuiluutauhimayuq haffumani maniliurahuarnikkut tukhiutigiyangit kiutquiyangit ihumaliuqtakhangillu haffumani hup havaangit pivalliyukhayut. Una Katimayit nautkuhilaqtuq piliriakhat munaqhigiangani ihuiluutauhimayut haffumani havaat taimaa qimilruqtauhimagaluaqtut angiqtauhimavlutiktauq pivalliagiangani.

5.2 Havaaghainut Uqauhiit

Una hivumuurutingit kiudjuhiq tukiqaqhuni tunngavigyugangani hivunikhaanit haffumani timiuyunut, ilaliutigiyangillu nalunaitkutaanit hungmalli ittuq. Una malikhimalugit hivunikhaat kiudjuhiq niplautihimayuq ilitturnaqhunilu uvanngat parnaiyainikhainut upalungaiyaut ilihaqhutik katimayut kinguani aulavikhangit niplautigiyangit:

“Hapummínahuarlugít
í kayurahuarlugíllu ín uuhírnaqtumík
haffumani Avataíta unalu
Nunavunmíunut ukunanngat
havaativut”

5.3 Hivunikhangit Kiudjuhiq

Taimaa hivunikhangit kiudjuhiq nalunaiqhimagayuyaq hivunikhangit haffumani timinganit, hivunikhangit kiuviniit hivunigiyangit kampaningit hivunikhaat, ilaliutigivlugu nalunairvikhangit humiliqaak humiittumayut humiliqaak tikittumayangillu. Uvani ilihaqtut katimavlutik, ilauqatauhimayut niplautigiyangit aallatqiinguyut hivunikhangit titiqqangit angiqhimayullu uvanngat tiguaqhimayangit haffumani hivunikhautingit:

“Hivunigiyakhaat uvani ihuuluutigiyayut
ihivriurningit ilaliutigivlugillu Inuit
Qaujimajatuqangit/Qaujimaningit unalu
ikayuqhugit kitunuliqaak ilagiyauningit”

5.4 Ukpiruhuutait

Una Nunavut Aviktulikiyit Katimayit ukpiruhuutait:

- (a) **Una iluaniittut tamainnut ilauhimayut**, ilaliutihimayangit ilauqatauhimayut, kavamat unalu Inuit timingat, una kitunuliqaak, maniliurahuagtunut, Katimayit unalu havaktit.
- (b) **Una tamatkiumayangit haffumani ihuuluutigiyangit ihivriurnikhainut Pivallianiq.**
- (c) **Ilauqatauhimayut unalu ilagiikhimayut** ukuninngat hilataaniittut ilauhimayunut ilitturvikhangit ihuaqtumik ikaarnaqtuniglu ihuuluutinut ihivriurningit.
- (d) **Tutqittiarnaqtunik unalu ilauyuminaqtumik.** Una Katimayit unalu havaktit ilauyuminaqtut inungnut haffumani Nunavut, kavamangit unalu hilataaniittunit ilauhimayunut unalu maniliurahuarnikkut.
- (e) **Nalaumattiaqtangit unalu tukiliriiqhimagayut** haffumani kangiqhidjutivut, kiuvikhavut unalu ihumaliugavut, uuminngalu tamainnut tuhagakhavut.
- (f) **Ayurnanngittut haffumani aulattittiyavut unalu uuktuutigiyavut** katilviunahuaqhugit aallannguqtigattatut avatiliqinirnut qanurilinganingit aivaqatigiiktut ukpiruhuutait.
- (g) **Inuit Qaujimajatuqangit/Qaujimaningit unalu atuqpagaat Inuktitut unalu Inuinnaqtun.**
- (h) **Katimayivut unalu Havaktivullu**, qauyimayangit, ayuinningit unalu piyungnarningit uuminngalu aturaaqtakhat ayuinningit unalu malittiaqhimagayut uvunga NIRB nut malikhimagangillu.
- (i) **Ihumagiyangit tamainnut ilauqatauhimayut uvani NIRB'ip pivallianingit.**
- (j) **Aturungnaqtut pivallianikhainut** ikayuutaayut Nunavunmiunut. EA
- (k) **Ilaliuqhimaningit**, hivullirivagaat ayurnanngittumik ilaliutihimayukhat ihumaliurvikhaq, ayurnanngittuni piyumayangillu.

6.0 Qauyiharnikhainut haffumani NIRB’ip Hakugingningit, Hakuirningit, Inikhautikhangit Ayuqhautingillu

Hakugingningit	Hakuirningit
<p>NIRB hivulliriyangit inikhautikhangit tamainnut Nunavunmi timinganit</p> <p>NIRB nanminiqutauyuq unalu qilamik timigutauyuq inikhalingnit pilimmakhaigiangani aallannguqtilaaqhuni qilaminnuaq</p> <p>NIRB ihumaliugait ihumagiyaayuq angiqhimayavlutik kigliqaqtumik ilitquhiita NIRB hanahimayangit</p> <p>Akunngani aturaarnaqtuq haffumani katimayiit havaktingillu</p> <p>Hakugiktumik havaqatigiiktut ukunanggat katimayit havaktiitalu taimaa ikayuliqpagaat angmaumayumik tuhagakhanit</p> <p>NIRB’ip nakuuqpiyaqtumik havaqatigiiktunut ilagiyangit ukunanggat aallat timinganit unalu havaakhaliuqtunut ilaliutauhimayut tuhagakhanut</p> <p>Maniliuqpaktangit munarivagaat unalu piyungnaqtut hapummigiami nalaumattiaqtumik manngit</p> <p>Ihuaqhiyariiqhimayuuq parnaiyainikhainut upalungaiqhimayut unalu havaktit katimagaangat</p> <p>Piyungnaqtut ihuaqhihimayumik nutaamik maligautigut, nakuuyumik uukturautaanit, unalu ihuarnaqtumik munaqtiunikhainut parnaiyainikhainut, ilaliutauhimayuuq aturnaqtumik inikhaanit pivallianikhainut ihuarnaqtumik aadjiliugainit haffumani malikhimayangit unalu ukunanggat havaktit ukiunganit qimilruqhimayangit haffumani atuagaq unalu maligautigut iliahtunut</p> <p>Aallatqiinguyut qauyimaningit tamainnut katimayit unalu havaktit, ilaliutauhimayut hivituyumik qauyiharnikhainut ayuinningit unalu kangiqlihimayangit nanminiqutingit</p> <p>Aallatqiinguyut ayuinningit unalu ilihautikhangit pitquyahimayuuq kinguani illiriyangit haffumani aallat inikhaanit piyungnaangat</p> <p>Ayurnanngittuuq haffumani ikayuutikhat ilaliutauhimayuuq nunalingnit pulaaqtaqtut</p> <p>Puqtuhimayuuq-nakuuqpiarninga, malikhimayangit iluaniittut titiqqangit, unalu tuvliiryut ingilrutikhat ikayuutauhimayuuq qaliriirahuarlugit havaktunut havalihaaqhimayunut</p> <p>Una ihumagiyaayuq havagvingmi pitquhiriyangit ukunanggat akhuurahuaqhugit iliahtunut avvautiyunillu</p> <p>Huqpaniittuuq hilataanit haffumani atuagakhanut avataita haffumani Iqaluit</p> <p>Havaktit aullarungnaqtut</p>	<p>Angmaumannngittut ayurnanngittunik haffumani inikhautikhangit hivulliriyayukhaq ayurnaqtumik haffumani nanminiqutingit qauyimaningit</p> <p>Iluakhagayut Inuit angayuqqaanut havaatigut</p> <p>Angmaumannngittut ikayuutikhainit NIRB nut</p> <p>NIRB inanihimannngittut havaanikhaq kinguani Nunavut Iliharipaallirvik Avatiliqinirnut Qauyihagtunut Ilihaqtunut iniqhimayunut</p> <p>Angmaumannngittut ikayuqtauyut havakhtuk ilihautikhaq havaktinut unalu katimayit, ilainnaanit haalukkaanguyuq timinganit ilitquhiita</p> <p>Puqtuhimayuuq qauyiharnikhanut ilitquhiita haffumni NIRB titiqqangit nainaaqhimayangit aturnaqtumik haffumani Inuit Qaujijajatuqangit/Qaujimaningit unalu ayurnanngittuuq uqauhirnut</p> <p>Nainaaqhimayuuq uqauhirnikkut ilihautikhat havaktinut nainaaqhimayuuq pitquhiriyangit uqauhirnikkut atuqtakhainit havagvingmi, pitquhiriyangit quviahuutauhimayuuq, unalu quviahuutigiyangit pitquhiriyangit uqauhikkut</p> <p>Ayuqhautiyut uqauhikkut niplautigiyangit haffumani Inuit Qaujijajatuqangit/Qaujimaningit piksaluqhimayayuuq ihivriurnikhainut, ihumaliugakhainut unalu piksaluqhimayayut</p> <p>Aturnaqtut NIRB qauyiharnikhainut taimaa atuliqtittinnannngittut kitunuliqaak ilagiyayunut</p> <p>Upalungaiqhimayangit Munaqtiunirnut nakuunngittuni, ayurnaqtut, unalu kitunuliqaak ilagiyaunngittut ilaliutainit</p> <p>Ayuqhautiyut inuuttiarnirnut tuhagakhat munaqtiunirnut pittailinahaqhugit ilitquhiriyangit ayurnaqtumik</p>

Nunavut Aviktulikiyit Katimayit 2018 – 2022 Parnaiyainikhainut Upalungaiyaut

Inikhautikhangit	Hivuuranarningit
Angiklikhimayayut naalangnaqtumik ukunanngat Ukiuqtaqtumi unalu Nunaqaqqaahimayunut Inungnut taimaa qauyihahimalaaqtangit NIRB nut	Katimayit ilauhimannngittut unalu qaangiutihimayangit iluani katimayit tiliyauhimaningit pivallianikhainut nainaaqhimayangit atuligtittinirnut haffumani inuqqukittaraangat katimayinut havaanut havagluarnaqtut
Piyumalluaqtangit haffumani ilagiyumanirnut tamainnut kavamanut, NGOt, kivgaqtuiyut, unalu IPGt iluani Nunavunmi hivituyumiglu ilauyungnaqhutik ihuaqtikhainit	Nainaaqhimayut aviktuqhimayumik kivgaqtuiyut katimayiinut
Havaqatigivlugit ukunani Kaniitian Ukiuqtaqtumi Qauyiharvik unalu Ukiuqtaqtumi Qauyimaningit Kanatami	Atuagakhat unalu maligautigut ihuuluutaulaaqtangit NIRB nut
Upautinnaqtut ilauqataugiami ukunani Nunavunmi Tarianganut Piyut Katimayiangit, ilaliutauhimayug munaqhiuvlutik haffumani imarmiuttanit avataita	Nalunaqtut avataita Tiliyauhiniq
Munaqtiuvakhugit atulirnaqtumik ilagiyangit maniliurahuaqtunut	Avguiningit nalunaqtumik qanurilinganingit haffumani hilaup aallannguqtiquhimaningit, ilaliutauhimayug ihivriurnikhainut haffumani ihuluutauhimayut haffumani hilaup aallanguqtirningagut, unalu ihumagiayuyug haffumani amihunit ihuluutauhimayut qimilurningit ukuninngat puqtuhimayumik havaangit haffumani nalunaitkutaq
Havaqatigiiglugit inutuqat ilaliutigilugillu ikayuqhimayangit inikhautikhangit	Nainaaqhimayangit angmaumaningit haffumani uqaqtiuyut unalu numiktittiyunut qauyimayayut haffumani NIRB nut pivallianikhainut unalu tukiliutainit
Havaqatiglugit inutuqait ilaliutinahuarlugit Inuit Qaujijajatuqangit/Qaujimaningit iluani NIRB pivallianingit	Ikayuqhimaningit unaguqhimayut tamainnut ilauqatauhimayut taimaa naililaaqhimayangit ilaliutinirnut
Parnautigiinnarlugit haffumani Inuit Qaujijajatuqangit/Qaujimaningit qaritauyakkut iliuraivikhaq ilittuqhimagianganit NIRB havaangit unalu ilautquinahuarlugit NIRB nipiliuqhimalugit titiqqangit unipkaarunmik avvautinahuarlugillu qauyimaningit hilataani	Ikivallianingit haffumani ilitariyauhimayug ilauqatauhimayug manngit piliriakhaq
Ilauqattautilutik iluani aviktuqhimayumi munaqtiunikhainut akhuurningit	Ikivallianingit aturaarnaqtumik ikaarningillu manngit
Ikayurnahuarlugit ilihautikhainut inikhautikhaat unalu ikayuqhimalugit ilihautikhait ikayuqhimayut uvani akhuuqhimayangit ilihahimalutik uvunga kitunuliqaak uvannngat NIRB nut	Ihumagiayuyut nakuunngittumik inungnut takugakhat tautungnaqtut
Avvautilugillu nakuuqpiiaqtumik uktuutigiyangit pivallianikhaqtut iluani Nunavut hivituyumik	Qauyiharnikhainut nailiyauhimayut ilaliutauhimayug qaritauyakkut turaarutaat unalu qaritauyanut ilitturvikhaq
Katilviuqatigilugit unalu takugakhaq katimaliraangat	Akittuqpalliahimayug taimaa ayurnaqhilaahuni ingilranahuarlutik aviktuqhimayunut aulapkainahuarianganit nanminiqutingit nakuuyumik
Hivituyumik qauyimaningit akhuurnanngittumik qauyiharningit uyaraqtarviuyunut	Ikitpalliahimayut havaktit ayuqhautiyut ikayurahuaqhugit haffumani
Aturlugit ihuaqtumik munaqtiuyunit qauyiharningit haffuminngat qangattalaaqtut piksaliurutit unalu qilamiuqtumik qunnialirnaqtut	
Havaqatigilugit Isuma Qunniarut ilitturvikhaq	
Aturlugu nutaamik qauyiharnaqtumik, unalu qunniarnaqtumik tuhagakhat ilitturvikhangit avvautiyukhaq NIRB'ip pitquhiriyangit havaangillu	
Aturlugit ilauqattarnaqtumik ingilrutikhat iluaniittumik avvautihimayangit tatqiqhiutigut unalu titiraqhimayangit nakuuqpiiaqtumik	

7.0 Hivunikhangit unalu Hivumuurutingit

Hivunikhangit hivityut, qaliriiqhimayuyut ilitturvikhangit ilaliutauhimayut ukuningat NIRB'ip hivunikhangit munaqhiyangit. Hivunikhangit ilittuqhimayangit iniqpiaqhimayangit tikinnahuarlugillu hamna timiuyuq tikinnahuarlugi hivunikhangit munaqhiyangillu. Hivunikhangit kinguaniittut taimaa Parnaiyainikhainut Upalungaiyaut turaaqhimayuyuq. Taimaa tamainnut kiuviniittuuvlutik aturaarnaqtumik hivunikhautikhangit. Hivunikhautikhangit kinguanit unalu pivallianikhainut ilittuqhimayut. Tutqittiarnaqtumik kiugialik, uuktuutigiyangit kiuviniit uuminngaluuniit aallanguqtqhimayut naahurihimayuyuq ilittuqhimayuyuq kinguani haffumani tallimanit-ukiunganit parnaiyainikhainut upalungaiqhimayuyuq iningat kinguani ukpiqhimayangit pilimmakhainirnut hamna parnaiyainikhainut turaaqhimayangit aktuqhimagianganit hivunikhangit.

Hivumuurutingit, ahiakktut, uuminngalu tutqittiarnaqtumik titiqqangit haffumani huliyaqhangit kiugiannaqtuq aktuqhimagianganit tahapkuq hivunikhautikhat. Hivumuurutikhangit turaaqhimayangit aadjigiinngittut humiliqaak NIRB taja humiliqaak Katimayit piyumagumiuk (una hivunikhangit hivumuurutikhangit) taimaa taihimayangit hunanik piyumayainnit iniqhimayangit (hunanik havaariyangit, havaat unalu upautiyakhaat upalungaiyaut) taikunngaugiami. Hivumuurutikhangit tupliutyut taimaa uuktuutigiyuyut kiuviniit taimaa ihivriurnaqtut pilimmakhaqhuni angiyaaqtumik hivunikhangit uuminngaluuniit parnaiyainikhainut. Nalunaiqhiigangant hivunikhautikhangit, una NIRB taiguqhimaffaaqtut apirivlugit ahikktut, "taimaraalak piyungnattiaqqigu?"

Upautiniq upalungaiyaut uuminngaluuniit havaakhat titiqqangit tamainnut havaanut uuminngaluuniit havaaq malikhugu hivunikhangit taimaa numikhimayangit hamna Parnaiyainikhainut Upalungaiyaut pilimmakhainikhainut inikhangit turaaqhimayuyut ukpiruhuutait ihivriuqhimaningit. Ukpiruhuutait haffumani ihivriurningit pihimayuyut ihumagivluniuk tamainnut NIRB'ip pivallianikhainut hivunikhangit, hivumuurutingit unalu upautingit upalungaiyaut. Una ihivriurningit upalungaiyaut atuqhimayukhaq ukiunganit ihumaliurvikhangit qanuq NIRB malikhimayangit tikinnahuaqhgugit hivunikhautingit turaaqhimayuyut uvani Parnaiyainikhainut Upalungaiyaut, una malikhugit unipkaaahimayangit ilaliutigiyangit NIRB'ip kitunuliqaak ukiunganit titiqqangit.

Hunaugamik NIRB'ip Hivunikhautingit haffumani 2018-22?

Tallimat hivunikhautikhangit pivalliahimayuyuyuq haffumani timinganut hivumuurutigiyangit:

1. Una NIRB malikhimaniaqtangit ukunangat kiuviniit unalu inuuhirningit haffumani *Nunavut Angirutaa* unalu tamainnut aturnaqtumik maligautinut.
2. Una NIRB aulapkaiyukhaq puqtuhimayumik nakuuyumik ihuiluutauhimayuyuyuq ihivriurningit.
3. Una NIRB huli munariniaqtangit hivituyumik timiuyunit hakugingnikhainut.
4. Una NIRB tautuktuuyaqtukhaq hivunikhaliurutikhait haffumani Inuit Qaujimajatuqangit/Qaujimaningit havaamingnut.
5. Una NIRB ikayuqhimayukhaq kitunuliqaak ayurnanngittumik ilauqatauyukhaq iluani Nunavut'ip maliguarutingit unalu NIRB'ip pivallianikhainut.
6. Una NIRB havaqatigiyakhaq munaqhinahuarlugit imarmiunit akihautaanit.

7.1 HIVUNIKHAUT 1

Una NIRB malikhimaniaqtangit ukunanggat kiuviniit unalu inuuhirningit haffumani Nunavut Angirutaa unalu tamainnut aturnaqtumik maligautinut.

Una NIRB nauhimayauyuq haffumanngat *Nunavut Angirutaa*, aivaqatigiikhimayyuq ukunanggat Inuit pidjarikhigiangani avatikhainut hapummivikhaq unalu ayurnanngittumik ihumaliurvikhangit pivallianikhainut. Una *Nunavut Ihumaliuqniq unalu Havauhikhamut Naunaiyaininnga Maligaaq* tadja hakugingnikhauvluni unalu tamarmik tutqittiaqhimayut unalu angiklikhimayauvluni ukunanggat Katimayiita'p munariyakhat unalu piliriakhaq kiuvikhangit. Ihumagiyaulluaqtakhat taamna Katimayit unalu havaktit pidjarikhigiaqaqhuni NIRB tikinnahuarlugu maligautaanit munariyakhaat unalu tamainnut aturnaqtumik malikhimayangit kiuningit.

1. Pidjarikhimalugit maligaaq unalu maliguarutingit ilauhimayut uktuutigiyangit unalu hivunikhangit inikhalik unalu nutaannguqtiqhimayuyut piyumagaangat (haffuminngatut *Ilitariyauhimayuuq Uqaahikkut Maligaaq*, havaktut hivuuranaittuni maligat, taimaittumik)
 - Pidjarikhinahuarlugit iluaniittuq unalu hilataaniittuq ingilrutingit (haffuminngatit maliktakhat, aadjiliugait, qunniarnaqtut takugakhat titiqqaitigut, qaritauyakkut, taimaittumik) takunnaqtut kiugiaqaqtut
 - Pidjarikhinahuarlugit havaarinahuarlugit ihumagilugillu Nakataq 24 haffumani *Nunavut Angirutaa* unalu Nunavunmi Nangminiaqqtunik Ikajutti atuagaq
 - Turaaqhimalugit qaffiuningit haffumani titiqqangit nauhimayauyut tamainnut ukiunganit unalu ihumaliurvikhangit akikhangit haffumani numikhimayauyunit tamainnut
 - Munaqhihluni pivallianikhainut ihumagivluniuk tiliyauhimaningit (maniliqinirnut atuliqtauningit, maliguarutingit ikaarningit) unalu nalaumayumik iluani pivalliahimayut aallannguqhimayauyut
2. Havaqatigivlugit nakuuyumik ilauqatauhimayunut pivallianikhainut ayurnanngittumik kangiqhidjutaanit unalu numikhimayauyut haffumani *Nunavut Angirutaa* unalu *Nunavut Ihumaliuqniq unalu Havauhikhamut Naunaiyaininnga Maligaaq*
 - Pivalliahimayuuq ayurnanngittumik akhurnaqtumik tukiliutaat qanurilinganingit unalu Avatingit Ihuiluutauhimayuuq Kiuviniit malikhimayangit, ilaliutauhimayuuq ihuaqhiiyariiqhimayuuq numikhimayauyut
3. Aulapkaihimayuuq, munaqhihimayangit unalu munariyangit nakuutqiyahiurnirnut turaarutauhimayuuq angirutaanit
4. Pivallianikhainut kigliliuqtauhiymaningit parnautikhaq
 - Pivallianikhainut ilitturningit (mihingnaqhimayuuq) haffumani kiuvikhangit ilaliutauhimayuuq/ikayuqtauhiymaningit hilataanit Nunavut Nunataarviup Iluani
 - Ilittuqhimalugit inikhautikhangit ilagiyakhaat nunaliit hilataaniittut Nunavunmi (Manitoba, Nunavik, Nunatsiarmi)
 - Munariyangit havaat tukhiutauhimayut hilataanit Nunavut taimaa atuliqhimalaaqtangit iluani Nunavut Nunataarviup Iluani
5. Atuqhimayakhaat inikhautikhangit takunnaqtuq ukunanggat Nunavut Tamainnut Munaqhiiyangit Piliriakhaq

Nunavut Aviktulikyit Katimayit 2018 – 2022 Parnaiyainikhainut Upalungaiyaut

6. Ilaliutinahuarlugit aturaaqhimayakhaat ilihautikhait havaktut ikayuqtauhimayut havaktinut katimayinut pidjarikhinahuarlugit qauyimapkainahuarlugit haffumani atauttimuqhimayuuq ukunangat *Nunavut Anirutaa*, una *Nunavut Ihumaliuqniq unalu Havauhikhamut Naunaiyaininnga Maligaaq* unalu maligautigut ilaliutait
 - Ikayuqhimayangit ilihautikhait himmauhiqhimayangit iluani havagvik (nirivlutik iliaqhutik, nalunaitkutikhat havaktinut, avvautihimavlugillu titiqqangit avatikhat titiqqat) tukiqaqhutik avvautihimayangit avguiyaqhugit kigliinnangit qauyimayangit, qauyiharningit unalu nakuuyumik uktuutigiyangit
7. Pidjarikhivlugillu pilimmakhainirnut haffumani *Nunavut Ihumaliuqniq unalu Havauhikhamut Naunaiyaininnga Maligaaq*

7.2 HIVUNIKHAUT 2

Una NIRB aulapkaikyukhaq puqtuhimayumik nakuuyumik ihuuluutauhimayuuq ihivriurningit.

Una NIRB munaqhivagaat aulapkaivlutik ihuuluutauhimayut ihivriurningit ihumagiyauyuq piyumayangit haffumani pivallianikhainut ihumagivluniuk ayurnaqtumik ukiuqtaqtumi nunat avataita unalu inuuhirnaqtumik nunaliit. Ihumagiyauulluaqtakhaat hamna NIRB akhuuqhimayangit hivuliqtiunahuaqhutik manirarmi tamatkiumanahuaqhugillu maliktakhait ukunangat turaarvikhangit haffumani puqtuhiyumik ihuuluutauhimayut ihivriurnikhainut.

1. Havakhimavlutik havaakhaliuqtunut aulapkaigiangani avatikhait tunihimayangit tutqittiarnaqtumik ihivriurnikhait titiqqangit
 - Nautkaqhimalugit Ihuaqhiyariiqhimayuuq Avataita Ihuuluutauhimayuuq Kiuviniit Malikhimayakhaat
2. Pidjarikhinahuarlugit nalaumayumik ilihautikhait Katimayinut unalu havaktinut, ihumagivlugillu hivunikhautikhait (haffumani hilaup aallanguqtirningagut)
 - Munarinahuarlugit timinganit ilihautikhangit upalungaiyaut
 - Aulapkainahuarlugit hivulliqtiunirnut ilihautikhaq katimayit unalu havaktit
 - Ilaliutigilugit kavamaliqinirnut ilihautikhait haffumani katimayit
 - Ilaliutinahuarlugit iliharutikhait haffumani ihuuluutauhimayut ihivriurnikhainut nakuuqpiyaqtumik uktuutikhainit, maniliurahuarnikkut unalu ihumagiyangit parnautigiyangit ilihautikhat
3. Angikliktiqhimalugit haffumani qauyimaningit haffumani Katimayit unalu havaktit qauyimanahuarlugit aulavikhangit qauyimaningit
 - Pivallianikhainut pilimmakharlugillu ikayuutikhait piliriakhaq haffumani Katimayit unalu havaktit
 - Munarinahuarlugit iluaniittuuq titiqqangit nutaanguqhimayauyut, pivallianingit titiqqangit, anhimayauyut unipkaaliuqtut
4. Tiguaqhimalugit pinahuarlugillu aturluarvikhat haffumani illitruvikhangit qauyimaningit
 - Nanihilutit nutaamik inikhautikhangit aulavikhangit ingilrutingit/ukpiruhuutait unalu qauyimaningit ihuaqhinahuarlugit ihivriurnikhainut unalu munaqhiyangit

Nunavut Aviktulikyit Katimayit 2018 – 2022 Parnaiyainikhainut Upalungaiyaut

- Munarinahuarlugit nalaumattiaqtumik naluaikutaq munaqhiyangit qaritauyakkut iliuraivikhaq
 - Munarinahuarlugit nalaumattiaqtumik nunauyalinqinirnut/GIS qariyauyakkut iliuraivikhaq
 - Hakugikhinahuarlugit nalaumattiaqtumik qaritauyakhanut auladjutikhaat unalu pittailinahuarlugit nailinahuarlingit kayumiqtailinahuarlugit tiguaqtauningit nutaamik qauyiharningit
 - Ihuaqhainahuarlugit NIRB'ip inikhautikhangit nalaumattiaqtumik GIS naunarvikhangit
5. Pidjarikhinahuarlugit tukhiutikhainit nakuuqpiaqtumik tuniyauhimagit unalu upautinnaqtuq pigialik
- Pidjarikhinahuarlugit NIRB tunihimayakhaat aadjiliugainit haffumani havaanut aulattittinirnut
 - Katimanahuarlugit ayurnaittumik ukunanngat aulattittinirnut ilauhimayunut
6. Atuqhimalugit kiuviniit haffumani munaqhiyangit piliriakhat ihuaqhimanahuarlugit ihivriurnikhainut, ilaliutigilugillu pivallianikhainut/nalunaitkutut, unalu auladjutikhainut qauyiharnikhainut
- Ihumagilugit qanuq tunihinahuarlugit kiuvikhangit unalu ilitturvikhangit hamannat munariyangit ilitturvikhaq ihuuluutauhimayuq ihivriurnikhainut kangiqhidjutingit uukuutigiyangillu
7. Aulapkainahuarlugit ukunanngat aallat ihuuluutauhimayut ihivriurnikhainut uukuutigiyangit ihuaqtumik ihivriurningit unalu kititiqhimayuyut ihuuluutauhimayut ihivriurningit uukuutigiyangit
- Ilaliutiyukhat parnaiyakanut ukuninnga aallat ihivriurnikhainut ilauhimayunut, haffumani qaliriiqhimayuyut atanniqtuiningit (haffuminngat Mackenzie Valley Avatiliqinirnut Katimayit, Yukon Avatiliqinirnut unalu Inungnut-Ikayuutikhainut Ihivriurnikhainut Katimayit)
 - Havaqattiaqhimalugit ukunanngat Kavamaryuangit havagviit ikayuqhimalaaqtangit ihivriurnikhainut ikayuutikhaq
 - Ublumi atuqattaqhimalugit ukuninngat pivallianikhainut piliriadjuhiit unalu aturnaqtumik iliktirutit uvani ihuuluutauhimayuq ihivriurnikhainut
8. Pivalliahimalugit uukuutikhangit unalu nalunaitkutit haffumani uukuutigiyangit ayurnaittumik haffumani ihuuluutauhimayut ihivriurningit
- Inikhaliurlugit turaarnikhainut turaaqhimayangit haffumani NIRB pivallianikhainut unalu ihumaliurnikhainut
 - Aulattittilugit kitunuliqaak qauyimanikhainut qauyihaqhimayut haffumani NIRB pivallianikhainut ihumaliugangillu

7.3 HIVUNIKHAUT 3

Una NIRB huli munariniaqtangit hivituyumik timiuyunit hakugingnikhainut.

Kihiani hamna NIRB turaaqhimaittut nautkaqhimanngittangit angmaumayut manngit uukuutigiyangit unalu mikiyumik munarimahavagaat qanuq Kavamat pukukhimayangit tamatkiumanahuarlugit hamna *Nunavut Angirutaa*, una Katimayit havakhimalaaqtut ukunani kavamani tikinnahuaq hugit ayurnaittumik,

Nunavut Aviktulikyit Katimayit 2018 – 2022 Parnaiyainikhainut Upalungaiyaut

hivituyumik manngit uvani nalaumattiaqtumik munarinahuarlugillu avataita humiliqaak havaktit katimayiillu aulayumangittut hivituyuraalungmik.

1. Havaqatigilugit pidjarikhinahuarlugit aturaaqtakhainut ayurnaittumik unalu atuinnaqhimayangit manngit
 - Huli munarinahuarlugit puqtuhiyumik ayurnanngittumik unalu ikaarnikhainut maniliqinirnut unipkaarutaanit
 - Qauyihahimalugit himmauhikhainut manngit aturvikhat
2. Ikayurahuarlugit uvunga Kavamaryuangit Kavamngit ihuaqhihimanahuarlugit tiliugainit ikaarnikhainut unalu inikhaliurlugit katimayit inikhautikhat
3. Huli munarinahuarlugit ihuaqpiaqtumik havaktit inikhaanit unalu akihautikhainit
 - Pivalliahimayut unalu pilimmakhainirnut ayurnaittumik upalungaiyaut haffumani havaktit unalu Katimayit
 - Pivalliahimayut ayuinningit unalu akiharnaqtumik havaariyuyukhaq
 - Pivallianikhainut unalu pilimmakhailugit una parnaiyainikhainut ihuaqhihimagiangani hamna NIRB'ip takuminaqtumik haffumani hivunikhautikhangit havaktuliyiyit haffumani Nunavunmiunut, hivunigivlugit inulrammiinut
4. Munarinahuarlugit hakugikpiaqtumik ilitturvikhangit unalu ayuinningit pivallianikhainut inikhautikhangit haffumani Katimayit unalu havaktiillu
 - Pivallianikhainut hamna hivunikhautikhangit hivulliriyangit piliriakhaq haffumani Inuit havaktinut
 - Pivallianikhainut ayurnaittumik iluaniittumi ilihautikhainit piliriakhaq (kigliqaqhuni haffumani ilihautikhainit hivunikhautikhat pulahimayuq aahiit hivunikhautikhanit), ilaliutaulaaqtut nirinnaqhiyumik-unalu-ilihahimalutit, havaanut ilitturikhainut, taimaittumik
 - Pitqilugit atannguyat pivallianikhainut ihumagiyangit ayuinningit pivallianikhainut upalungaiyaut haffumani havaktit uvani ukiunganit kiglikhangit.
 - Pivallialugit havaktut ikayuutikhainit inikhautikhangit ukuninngat hilataanittut parnaiyaiyit
5. Aulapkailugit ukiunnguraangat qayangnangnigut niplautigiyangit unalu naunaiqhimayangit hivunikhautikhangit upautivikhangit
 - Pivallialugit parnaiyainikhainut ikayurahuarlugit inuuttiarnaqtumik hivurananngittumiglu iluani havagvingmi (ilaliutilugillu ihumaaluktunut inuuttiarnikkut)
6. Pidjarikhilugit nalaumattiaqtumik unalu akikhangit aturnaqtumik timikkut unalu ilitturvikhangit qauyiharnikkut maniliurahuarnikhainut
 - Ihivriurlugit piyumayainnit ukiunnguraangat haffumani havagvik inikhaanit, iglup ihuaqutikhait parnautikhangillu
 - Pidjarikhinahuarlugit ilitturvikhanit qauyiharnikkut piyumayainnit ayurnaittumik upalungaiyaqhimayuq haffumani unalu turaaqhimayangit
 - Pivallialugit hulidjuhikhangit tutqumavikhangit haffumani nalunaitkutaq
 - Munarinahuarlugit nalaumattiaqtumik uuktuutigiyangit haffumani nalliukumaat
 - Aivaqattautilugit nakuuqpiaqtumik akikhangit akiliqtuivikhangit, tingmidjutikhat, hinitarviit, taimaittumik

7. Nailinahuarlugit havagluarningit ukunani nakuupqiaqtumik aturnaqtumik ikaarnikhainut unalu inikhautikhanut havaqatigiittiaqtukhat
 - Atiliurlugu Tuhagakhat haffuminngat Kangiqhidjutaanit ukunanngat aallat timiuyunut haffumani qauyiharnikhainut ayuinningit unalu aallat avatikhangillu
 - Havaqatigiiglutik unalu avvautigilugillu avatikhat ukunanngat aallat Timiuyunut haffumani Kitunuliqaak Kavamangit (IPGt) (haffuminngatut atuagat), naunaiqhimalugit unalu pilimmakharlugillu havaqatigiiktunut tamainnut IPG nit
 - Aulapkailugit pivallianikhainut uvani Nunavut Imaligiyyit Katimayit kiglikhanut aturnarumi
8. Nautkaqhimalugit unalu pilimmakhailugit inuuttiarnarnit, hivuuranaqtailinirnut, unalu inuuqatigiittiarnaqtuq piliriakhat unalu atuagait
9. Pivallialugut NIRB nakuupqiaqtuq havagiami
 - Pivallialugu/qimilrurlugu atuagat havaqatigiittiarlutik ukunanngat katimayit unalu havaktit
 - Pivallialugu atuagat nutaannguqtiqattaqhimayut unalu ihuaqhaqhimayut ukunanngat kavamaryuanut kavamangit
 - Pivallialugu ikayuutikhait unalu ikayuuhiat aturnaqtut
 - Ikayurahuarlugit havagvik ayurnanngittut ilitariyauvlutik hivituyumik aallatqiinguyut Katimayit unalu havaktit piyumayangit

7.4 HIVUNIKHAUT 4

Una NIRB tautuktuuyaqtukhaq hivunikhaliurutikhait haffumani Inuit Qaujimajatuqangit/Qaujimaningit havaamingnut.

Una tukiinga Inuit Qaujimajatuqangit tukiqaqhuni Inuit “Pitquhiriyangit Qauyimaningit” (TK) taimaa Inuit Qaujimaningit tukiqaqhuni Inuit TK uuminngaluuniit Inuit inutuqauyut tukihimaittumik turaarningit uvunga katilviuqattaqhimayut. Inuit Qaujimajatuqangit/Qaujimaningit ilaliutauhimayuuq qanilruanut unalu nunalingnit-kigliqaqhimayut qauyimaningit, avataita qauyimaningit (tamarmik pitquhitsuqaq unalu ublumimut atuqattaqtangit), taimaa nauhimavlutik ubluq tamaat inuuhianut haffumani Inuit inungnut, taimaa aturnaqhunilu ikayuutauvlutik taimaa hakugingnaqhuni ihivriurnikhainut. Iilitariyauhimayuuq hamna Inuit Qaujimajatuqangit/Qaujimaningit aturnarluqaqhuni ilaliutainnaanut tamarmik kigliliuqtauhimayuuq nalunaitkutaq unalu Inuit takutuktuuyaqtangit ukunani ihuuluutauhimayut qauyiharningit kangiqhittiarnaqtuq upinnaqtumik unalu tukiqattiarnaqtumik nunalingni ilauqatauhimayut unalu ihuarnaqhuni ihuuluutinirnut ihivriurnikhainut.

1. Ihuaqtumik NIRB ihuluutinirnut ihivriurnikhainut ukunanngat nakuutqiyarnik ilaliutauhimaningit haffumani Inuit Qaujimajatuqangit/Qaujimaningit tamainnut
 - Aturlugillu nipiliuqhimayangit ingilrutikhainut nipiliuriangani numiktigianganilu Inuit Qaujimajatuqangit/Qaujimaningit ilaliutauhimayuuq uvunga NIRB
 - Ihivriuttiaqhimalugit tamatkiumayumik ukpiruhuutait haffumani pitquhiriyangit ihuuluutaunirnut ihivriurnikhainut
 - Pivalliahimalugit maligautikhat haffumani havaakhaliuqtunut ilaliutigiami Inuit Qaujimajatuqangit/Qaujimaningit tamainnut havaaq tukhiutigiyangit

Nunavut Aviktulikiyit Katimayit 2018 – 2022 Parnaiyainikhainut Upalungaiyaut

- Inikhaliurlutik nalaumayumik GIS nit/Inuit Qaujimajatuqangit/Qaujimaningit nalunaitkutaq aturnaqtumik havaanut ihivriurnikhainut
 - Naunaiqhimalugit nalaumayumik Inuit Qaujimajatuqangit/Qaujimaningit nalunaitktuaq kititiqhimayangit atuqhimayangit havaat haffumani tutquumavikhangit unalu hivunikhanut aturvikhangit
 - Nunauyaliuqhimalugit tamaat Inuit Qaujimajatuqangit/Qaujimaningit nalunaitktuaq ilittuqhimayayut atuqtakhainit haffuminngat GIS qaritauyakkut iliuraivikhangit
 - Ikayurahuarlugit atuqtakhainit haffumani pitquhituqangit nunanut attiqtuinirnut
2. Ikayurahuarlugit atuqtakhainit haffumani Inuktitut unalu Inuinnaqtun havaktiinut
- Angikliktiqhimalugit havaktit akihautikhainit uvani Inuktitut unalu Inuinnaqtun ukunanngat uqauhirnut ilihautikhainit, ayuinningillu ikayuutikhait
 - Nalunaiqhimalugit hilataaniittut ikayuutikhait havaktit ilihautikhangit uvani uqauhirnikkut pivallianikhainut
 - Hivullirihimalugit uqauhirnikkut ilihautikhainit havaktinut
 - Nautkaqhimalugit iluaniittuni qaritauyakkut iliuraivikhangit atuinnaqtangit uqauhit tukiliutainillu uvani Inuktitut unalu Inuinnaqtun
3. Angiklikhimalugit havaktit inuuhittiarnikhainut haffumani kangiqhidjutaanit haffumani Inuit Qaujimajatuqangit/Qaujimaningit
- Pivallialugit ilihautikhainit haffumani havaktit ukunanngat Inuit Qaujimajatuqangit/Qaujimaningit ublukhait, hivunikhautikhangillu maliktakhait
 - Ikayuqhimalugit havaktit ukuninngat pitquhituqainit aallatqiinit ilihautikhangit ihuaqhinahuarlugit ikayuutikhait ilaliutauhimayut uvunga havaakhaliuqtunut
4. Pidjarikhinahuarlugit tuhagakhait tautungnaqtut haffumani Inuit Qaujimajatuqangit/Qaujimaningit
- Pivallialugit tuhagakhait atuagait unalu parnaiyainikhainut
 - Ikayurahuarlugit tuhagakhait ukunanngat nunalingnit naalautiqarviit uqauhirnikkut haffumani aviktuqhimayumi
 - Ilaginahuarlugit atuqhimayayut inungnut tuhagakhait ilitturvikhangit atuqtauvaktut nunaqatigiiktunut
 - Ilittuqhimalugit inuuttiarnikhait haffumani Inuit pitquhiriyangit uqaqtunut ihumaliugainit ukunanngat angikliktiqhimalugit atuqhimalugit qunnialiurnikkut unalu nipiliuqhimayangit qauyiharnikhainut haffumani kitunuliqaak ilagiyakhainit
5. Ihuaqhimalugit avvautihimalugillu haffumani Inuit Qaujimajatuqangit/Qaujimaningit nalunaitkutaq ukuninngat aallat timiuyunut unalu ilaliutilugillu hilataanit ilauhimayunut haffumani Inuit Qaujimajatuqangit/Qaujimaningit iluani NIRB atuagait unalu hulidjuhikhait
- Pivalliahimalugit Tuhagakhainut haffumani Kangiqhidjutaanit aadjiliugainit avvautiyaami aahiit timiuyunut
 - Nalunaiqhimalugit angmaumayumik Inuit Qaujimajatuqangit/Qaujimaningit ikayuutikhait haffumani tamainnut havaaq ilaliutaulaqtut iluani NIRB ihivriurnikhainut
 - Nalunaiqhimalugit Inuit Qaujimajatuqangit/Qaujimaningit qaritauyakkut iliuraivikhangit atuqtakhainit uuminngaluuniit pivalliahimayayut ukunanngat aahiit timiuyunut (aturvikhautauniaqtut pigialaqtut)

- Munarilugit qaritauyakkut iliuraivikhat haffumani Inuit Qaujimajatuqangit/Qaujimaningit hamanngat tamainnut ilauhimayunut

7.5 HIVUNIKHAUT 5

Una NIRB ikayuqhimayukhaq kitunuliqaak ayurnanngittumik ilauqatauyukhaq iluani Nunavut'ip maliguarutingit unalu NIRB'ip pivallianikhainut.

Una maliguarutit iluani Nunavut taimaa qaliriiqhimavaktut tukiliutainut haffumani maliguarutinut iluani "Ukiuqtaqtumi" ayurnaqtumik ilaliutainit, haffuminngalut "una maliguarutit Ukiuqtaqtumi ayurnaqhivakhuni, kayumiittut nalunaqhutik". Haffuminngatut, maniliurahuagtut unalu kavamat aadjigiiktut qauyimattiaruiqpakhutik arlingnaqtumik ahikhat haffumani Nunavuti'p maliguarutit unalu NIRB'ip pivallianikhainut taimaa ihuaryuummiqpektut naniyauvaktut iluani ahinit ilanganit Kanatami. Kihianilu, una NIRB ilaanit tuniyauvaktut pinirlugiyauvaktut aulattittiniagut taimaa ihuaqtumik-tukingit pivallianikhaq taimaa kigiliutauvaktut taunani nunangani ukpiruhuutait taimaa tautukhimaittumik Inuit ukpiruhuutainit. Una NIRB ablurvikhaliulaaqtut ihuaqhimayumik qanuq kitunuliqaak ihivirurningit hamna Katimayit unalu tamainnut maliguarutingit ukunanngat nakuuyumik tuhagakhainit ayurnanngittunik, unalu angiklikhimayauyut inikhautikhangit tamainnut hivunnganiitut.

1. Pivalliahimalugit kitunuliqaak ilauhimayunut unalu tuhagakhait parnaiyainikhainut, ilaliutiyangit parnautikhaq ihumagivlugit inulrammiinut
 - Pidjarikhilugit kavamat hivuliqtiuyut, maniliurahuagtut unalu kitunuliqaak qauyimagialik haffumani NIRB ayuinningit
 - Hivulluurutihimalugit uvunga atunnarlugit ilauhimayakhainit nunaliit taimaa NIRB pulaaqhimanngittangit havaaq qimilurningit
 - Kiuvaglugit inungnut tuhagakhainit tukhiutigiyangit
 - Nautkaqhimalugit atuagait unalu maligautainit haffumani inungnut tuhagakhainit ilauqatauhimayunut
 - Pivallialugit ilauqataunirnut unalu tuhagakhainit apqutikhainit haffumani Turaarvikhanit, ilaliutaugillu inuuttiarnaqtumik aallannguqtihimayauyut inikhait
2. Pivallianikhainut hilataaniittut ilihautikhait upalungaiyaut ilihautilugit aallatqit naalakhimayut (maliguarutit aulattittiningit, kitunuliqaak, maniliurahuagtunut)
 - Pidjarikhimalugit aallat ilauhimayunut kangiqhilugit NIRB pivallianikhainut qanurlu ihuaqtumik ilaugiangani
 - Angiklikhimalugit atuqtakhainit haffumani Inuktitut unalu Inuinnaqtun iluani tamainnut tuhagakhainit
 - Tukiliriiqhimalugit titiqqat tuhagakhat, kitunuliqaak turaaqhimayangit, ukiunnguraangat unipkaangit
3. Ikayuqhimalugit nalaumayumik ilauqatauhimayut aulapkaigianganit katimayit tiliugainit pivallianingit iluani ilitturnaqtumik katimayit inikhautikhangit avataanit hivituyumik ikaarnikhainut
4. Pivalliahimalugit parnaiyainikhainut turaaqhimagianganit ihumagiyauyut "ikayuutikhainit akihautaanit"

Nunavut Aviktulikyit Katimayit 2018 – 2022 Parnaiyainikhainut Upalungaiyaut

- Havaqatigilugit aulapkaigiangani tutqittiarnaqtumik ihuigiyaayut ilinganit ukunanngat aallat timiuyunut
- 5. Upalungaiqhimalugit/ikayuutikhat iluani tukiliutaanit pivallianikhainut ukuninngat hivunikhautaanit havaqatigiangani unalu nailianhualugillu aadjiliuqhimayainnit ukunanngat ilauqatauhimayunut
 - Havaqatigiittiarlugit ukunanngat Inuit Uqausinginnik Taiguusiliuqtiit ikayuqhimalugit ilitturnaqtumik haffumani nalaumayumik ihuuluutauningit ihivriurnikhainut tukiliutaanit
- 6. Ikayuinnarlugit aulapkaikhainut haffumani ilauqtauyut manngit ikayuutikhainit piliriakhaat Nunavut
- 7. Pivalliahimalugit inikhautikhaat nalunaiqhimalugit kitunuliqaak ayurnanngittumik kangiqhittiarangani ublumimut hivunikhangillu piyumayainnit
- 8. Ihuaqhinhualugit qaritauyakkut ayurnaittumik inikhautikhat
 - Pivalliahimalugit tukungit haffumani kitunuliqaak ilauqataunirnut iluani nakuuyumik uuktuutikhait-haffumani akhuurnaqtumik ilitturvikhat (haffuminngatut, tahapkuat mikiyumik ikaarluarnanngittumik, ikaarniguutilgit, taimaittumik)

7.6 HIVUNIKHAUT 6

Una NIRB havaqatigiyakhaq munaqhinhualugit imarmiunit akihautaanit.

Inuit taryurmiuttauvlutik, hivituyumik katilviuvakhutik hinaanirmiuttauyut unalu imarmiuttat avatiqatigiikhutik ilaliutauvakhugit niqit, aannuraanut iglukhait haffumani Inuit unalu angayuqqaangillu qangaraalungmi. Tamaat nunaliit iluani Nunavunmi akturluaqhimayayut ukunani, unalu munarivagaat ikpingnaqtumik, imarmiuttanit nunanganit.

Nakataq 15 haffumani *Nunavut Angirutaa* ikayuutigiyangit NIRB nut inikharluarnianut iluani imarmiuttanit munaqtiuvagaat, takikligivlugit Katimayita'p havaaq-ihumagiyaayut ihivriurnikhainut ukunanngat piyunangaqhutik ikayuqhutik kiuvikhangit unalu tukhiutigiyangit turaarnaqtumik kavamanut haffumani imarmiuttanut nunanganit. Una NIRB hakugikhivakhutik aulapkaivakhutik ukunanngat Nunavut Uumayuligiigyuat Katimayit, unalu Nunavut Parnainirmut Katimayiingit unalu Nunavut Imaliqiyit Katimayit mikhiriiqhugit Nunavunmi Tariunganut Piyut Katimayiingit, inikhautikhangit una NIRB ikayuqhimayangit hivituyumik ikaarnikhainut unalu akhuurningit hivunikhautikhangit.

1. Pivallianingit hivunngani kangiqhidjutaanit haffumani inikharnaqtumik hivunikhait haffumani imarmiuttanit ihumaaluutainit
 - Naunaiqhimalugit imarmiuttat ihumaaluutainit naunaiqhimayayut iluani *Nunavut Angirutaa*
 - Anguniaqhimalugit nalaumayumik NIRB nunalik ikayuqhimalluaqtangit
 - Nalunaiqhimalugit titiqqangit haffumani tukiliutainit tukihittiarangani
 - Pivalliahimalugit hivulliqpaanguyuq hivunikhangit haffumani NIRB'ip iningit
 - Pivalliahimalugit hivulliqpaanguyuq hivulliurutingit haffumani ihuaqhaihimayut NIRB imarmiuttat-ihumaaluutingit

Nunavut Aviktulikyit Katimayit 2018 – 2022 Parnaiyainikhainut Upalungaiyaut

2. Tukiliuqhimalugit havaqatigiiktut parnautikhainut ukuninngat tikkuqaqhimayuyut ilauqatauhimayut
 - Naunaiqhimalugit tikkuqaqhimayut ilauqatauhimayut unalu pivallialugit turaarvikhat titiqqangit
 - Tukiliuqhimalugit qanuq tukiqarmangaat munaqhinahuariangani imarmiuttat ihumaaluutait (kina, qanuq, hungmangaat ilitquhiita, nutaannguqtiqhimalugit) unalu pivalliahimalugit hivunikhangit atiliuqtakhaat akihautaanit/hulidjuhiit tikkuqaqhimayunut ilauqatauhimayunut
 - Pivalliahimalugit hivunikhangit unalu aulapkailugit havaangit, ilaliutigilugit atuqhimayangit haffumani Nunavunmi Tariunganut Piyut Katimayiingit tukhitiyangit naunaiqtakhaat imarmiuttat ihumaaluutait
 - Pivallialugit havaktut ikayuutikhainit inikhautikhangit ukuninngat hilataanittut parnaiyaiyit
 - Aulapkailugit tukhiutiyangit haffumani niplautigiyangit ukunangat ilauqatauhimayunut
 - Pidjarikhilugit atuinnaqtumik nutaannguqtiqhimayangit, unipkaariyangillu unalu maligainit
3. Pilimmakharlugit munariyakhaat aulapkaihimayangit iluani ilauqattautinirnut parnaiyainikhainut
 - Atuqpaglugit Parnaiyainikhainut Avataita Ihivriurnikhainut iluani Qikiqtaaluk/Davis Ikirahak nalunaiqhimalugit unalu munaqhilugit imarmiuttat ihumaaluutait
 - Ikayurahuarlugit kavamangit ikayuriangani ukuninngat nunaliit
 - Inuuttiaqhimalugit tamarmik Inuit Quajimajatugangit unalu qauyiharningit qauyimaningit
4. Ihuaqhihimalugit kangiqhidjutaanit haffumani imarmiuttanit ihumaaluutigiyangit/munaqtiunirnut iluani timinganit unalu iluani Nunavut
 - Mumarilugit imarmiuttat ilagiyangit ihumaaluutingit (haffuminngatut hilaup aallannguqtirningagut umiaqtuqtunut hanguvaktut) unalu maligautigut
 - Ilaliutilugit imarmiuttat tukiliutaat iluani NIRB hulidjuhingit (haffuminngatut niqhiurlutik, Inuit Qaujimajatuqangit/Qaujimaningit ublukhait, katimayit katimayunit)
 - Angiklikti qhimalugit kangiqhidjutaanit haffumani katilviunirnut ukunangat imarmiunit avataita unalu inungnut, hulidjuhiit, unalu aturvikhangit
 - Pivalliyakhat tukiliurutikhait haffumani imarmiunit tukiliutainit angmauvayukhaq kitunuliqaak
 - Ilauhimalugit imarmiuttat-ilagiyayuyut hulidjuhiit, takunnaqtumik katilviunirnut ukunangat halumayumik imaq unalu imarmiuttat avataita
 - Ilaliutihimalugit imarmiuttat ihumaaluutait iluani NIRB'ip kitunuliqaak ilagiyayuyut unalu tuhagakhat parnaiyainikhainut

8.0 Ihivriurnikhainit

8.1 Ihivriurnikhainit Pivallianingit

Una NIRB ihivriurqhimayangit pivallianingit uvani pilimmakhainikhainut hivunikhangit havaariyakhat haffumani una Parnaiyainikhainut Upalungaiyaut ukiunguraangat, ukunani nailiyauhimagyuq unipkaarut ukunangat NIRB'ip kitunuliqaak ukiunganit unipkaangit.

- Qanuqtut akuniitigivagaat, unalu hup hivunikhautikhangit, kinali pivikhaat, unalu inuuttiarnikhaitigut, piqarniqqat hivunikhangit unalu atuagakhat NIRB pivalliahimayangit, humiliqaak ihivriurqtauniarmangaat? Aulapkainiaqqigu ihivriurningit atahiuungittumik hungmalliqaak unalu humiliqaak?
- Pimmariktumi, hup hivunikhangit unalu havaariyauyukhat titiraqhimayut iluani parnaiyainikhainut upalungaiyaut pivalliahimayuyut qanuq nakuuyumik tikinnahuaqhimayavut humiliqaak tikinnahuaqtavut?
- Huliniaqtavut ukuningat nalunaitkutat kititiqhimayavut ihivriurqhugit?
- Hunali tadjia pigiaqaqtavut, huliukhauyuq hivunikhami, unalu, huligiaqaqtavut iniriaqaqhuni inikhaliuriangani?
- Hup hivunngani pigiaqhimayuyuyut tiliyauhimagyuw hivunikhanut, hivumuurutikhanut, unalu ukpiruhuutait ikayulluaqhimayavut haffumani parnaiyainikhainut upalungaiyaut? Aahiittauq tukiliutaangit, qanuq naammagiyauva NIRB malikhugit uqauhianut inikhangut haffumani tamainnut upalungaiyaut?
- Hup hivunngani aulattittinirnut upalungaiyaut unalu aallatqiinguyut ukiungani unipkaangit upalungaiqhimayaqqut turaaqhimagiangani parnaiyainikhainut upalungaiyaut?
- Qanuq atuqhimaniaqtaqqut naunaiyainikhainut kititiqhimayavut iniqhimavlugit ihivriurnikhainut tugliriyakhaanit aturvikhavut parnaiyainikhainut upalungaiyaut?
- Qanuq ilitturnaqqqa hamna hivunikhaliurutikhangit aulapkaihimayavut malikhugit ikaarnigut haffumani parnaiyainikhainut upalungaiyaut? Huli aturnaqqat unalu aturnanngitkumik, qanuq hungmalli numikhimagyuuyukhat?

9.0 Titiqqangit haffumani Numikhimagyuuyut

Malikhugit hamna NIRB'ip ukiunganit iluaniittumi ihivriurningit, una Katimayit ihumaliuqtakhaat qanuq numikhimagyuuyukhat uvanngat Tallimanit Ukiunganit Parnaiyainikhainut Upalungaiyaut angmaumaniarumi.